

M411: Augsburger Stadtbuch

- 14ra,1 hier hebet sich an daz lantrechtbuoch .
 14ra,2 von geleite .
 14ra,3 ez ist daz reht .
 14ra,4 daz kein küninc
 14ra,5 noch kein bischov .
 14ra,6 noch kein
 14ra,7 voget noch kein burcgrâve .
 14ra,8 noch nieman / decheinen man
 14ra,9 beleiten sulen in dise stat . der
 14ra,10 einen burgær / oder ieman / der
 14ra,11 in der stat gesezzen ist . er sî
 14ra,12 pfaffe / oder leie / beschadiget
 14ra,13 hât . mit roube . mit brande .
 14ra,14 mit gülte . oder mit swelichen
 14ra,15 sachen er in geschadiget hât .
 14ra,16 in der stat / oder dâ vore âne der
 14ra,17 klagær wort . // swelicher der
 14ra,18 rihtær daz bræche / daz er ieman
 14ra,19 beleite / âne des klagærs wort .
 14ra,20 sô mac der klagær sînen gescholn
 14ra,21 wole benoeten / ane des
 14ra,22 rihtærs boten . unde sol er des
 14ra,23 gein den rihtærn keinen schaden
 14ra,24 hân . von dem râte .
 14ra,25 man sol ouch wizzen . daz
 14ra,26 disiu stat ze Augsburc .
- 14rb,1 ze allen zîten einen gesworen
 14rb,2 rât sol haben / von zwelif êrbæren
 14rb,3 mannen / der bezzisten unde
 14rb,4 der witzigesten / die hier sîn . der
 14rb,5 sol ouch niht minner sîn . ir en
 14rb,6 sî danne mêr / nâch guotem râte .
 14rb,7 in wes gewalt diu tor sîn sulen . ez sulen
 14rb,8 ouch diu
 14rb,9 tor / dirre stat ze Augsburc ze allen
 14rb,10 zîten in der burgær gewalt

- 14rb,11 sîn . unde in niemanne anders .
 14rb,12 wan in des / der von iren wegen
 14rb,13 unde von irem gewalte / dâr ûfe
 14rb,14 ist . welich reht ein marcgrâve ûf
 14rb,15 sînen lantteidingen habe ze
 14rb,16 rihtenne her ze dirre stat .
 14rb,17 ein marcgrâve von Burcouwe
 14rb,18 der sol rihten
 14rb,19 den burgærn / dem armen / unde
 14rb,20 dem rîchen / ûf sînen lantteidingen /
 14rb,21 swaz si im klagent . daz in
 14rb,22 geschehen ist . mit roube . mit
 14rb,23 brande . mit heimsuoche . umbe
 14rb,24 eigen . umbe lêhen . umbe gûlte .
 14rb,25 unde daz in geschehen ist in sîner
 14rb,26 grâveschefte / nâch des landes
- 14va,1 rehte // er hât ouch in dise
 14va,2 stat niht ze rihtenne / noch ze
 14va,3 gebietenne . noch ze æhtenne
 14va,4 welich
 14va,5 reht unde welichen gewalt ein iegelich
 14va,6 voget in der stat unde dâr ûz haben sol .
 14va,7 daz ist daz der voget / unde
 14va,8 sîn undertâne / uns rihten
 14va,9 sulen /. niemanne keinen gewalt
 14va,10 tuon sulen /. unde uns schermen
 14va,11 sulen / tages / unde nahtes /
 14va,12 in der stat / unde dâr vore /. unde
 14va,13 sûlen wir im des geholfen sîn /.
 14va,14 swâ er daz an grîfet / mit unserm
 14va,15 râte / ez sî tages / oder nahtes /
 14va,16 welich reht die ûzvogete hin ze der .
 14va,17 burgær huober unde hin ze ire guote habent
 14va,18 ze rihtenne ûf dem lande .
 14va,19 die vogete ûf dem
 14va,20 lande / die hânt niht
 14va,21 ze rihtenne . hin ze der burgær
 14va,22 guote / noch hin ze ire liuten / die
 14va,23 dâr ûfe sitzent / wan ze zwein
 14va,24 zîten in dem jâre / ze meien /.
- 14vb,1 unde ze herbeste /. umbe gûlte /.
 14vb,2 anders sô rihtent si durch daz
 14vb,3 jâr /. wunden /. heimsuoche /. diupstâl /.
 14vb,4 vrevêl /. unde allen gewalt /.
 14vb,5 unde swem ez ze dem lîbe stât /.

- 14vb,6 den sulen si antwürten in die stat /
 14vb,7 dem vogete / unde der sol ez rihten .
 14vb,8 welich reht unde welichen gewalt ein
 14vb,9 burcgrâve ane dem gerihthe unde
 14vb,10 in der stat haben sol .
 14vb,11 ein iegelich burcgrâve
 14vb,12 sol rihten / dem armen /
 14vb,13 unde dem rîchen /. unde sol ouch
 14vb,14 niemanne keinen gewalt tuon /.
 14vb,15 ez sî umbe gûlte / oder umbe
 14vb,16 lîpnar /. unde stât ouch sîn buoze
 14vb,17 niht hôher / danne ze vûnf
 14vb,18 schillingen /. unde sol ouch keinen
 14vb,19 satz setzen über die lîpnar /
 14vb,20 âne die râtgeben / noch ouch
 14vb,21 si âne in / unde swen unser hêrre
 14vb,22 der bischov dâr zuo gît . swâ
 14vb,23 er des niht en tæte / sô hât der
 14vb,24 burcgrâve / unde die râtgeben /
 14vb,25 den gewalt / daz si der stete râten
 14vb,26 daz bezziste daz si wizzen /.
- 15ra,1 umbe die lîpnar /. unde swes
 15ra,2 er unde die râtgeben mit
 15ra,3 einander / überein koment .
 15ra,4 daz sol er in stæte haben / unde
 15ra,5 rihten . unde swâ er in daz bræche /
 15ra,6 unde des niht en rihte . daz
 15ra,7 sol in der bischov rihten hin ze
 15ra,8 im . unde swâ daz der bischov
 15ra,9 niht rihtet . sô sol ez uns der
 15ra,10 voget rihten . welich reht ein
 15ra,11 münzmeister gein der stat
 15ra,12 haben sol unde si gein ime .
 15ra,13 man sol ouch wizzen daz
 15ra,14 diu münze haben sol /
 15ra,15 einen münzmeister /. unde dâr
 15ra,16 zuo zwelif hûsgenôzen . ez en
 15ra,17 hât ouch der voget /. noch der burcgrâve /
 15ra,18 noch nieman anders ze
 15ra,19 rihtenne keiniu dinc / in die
 15ra,20 münze / noch daz dâr zuo hoeret /
 15ra,21 wan der bischov unde sîn
 15ra,22 // münzmeister . wile man wizzen
 15ra,23 wer zuo der münze hoeret /.
 15ra,24 daz sint . goltsmide /. unde ire
 15ra,25 gesinde /. unde dâr zuo quetzer /

- 15ra,26 unde der gesinde . man sol ouch
- 15rb,1 wizzen swelich man / der zuo der
 15rb,2 münze hoeret / einen tôtslac
 15rb,3 tæte / oder eine wunden /. daz sol
 15rb,4 der voget rihten über sînen lîp .
 15rb,5 unde swer danne reht habe
 15rb,6 hin ze dem guote / ez sî der bischov
 15rb,7 oder der voget / dem verteilen wir
 15rb,8 des niht . ez en sol ouch nieman
 15rb,9 den hûsgenôzen / noch swer zuo
 15rb,10 der münze gehoeret / vüre den
 15rb,11 münzmeister gebieten /. wan
 15rb,12 der / den der münzmeister dâr
 15rb,13 zuo gesetzet hât /. unde sulen si
 15rb,14 dem gehôrsam sîn . // swelicher
 15rb,15 des niht en tuot /. unde im drî stunt
 15rb,16 vüre geboten wirdet / von dem boten /.
 15rb,17 unde niht vüre kumet /. der
 15rb,18 gît ze galtnusse dem münzmeister
 15rb,19 drîzic pfenninge /
 15rb,20 als dicke sô er ez brichet .
 15rb,21 // ez sol ouch nieman kein silber
 15rb,22 verkoufen in der stat . ez sî
 15rb,23 der gast / oder der burgær /. wan
 15rb,24 dem münzmeister /. unde den
 15rb,25 hûsgenôzen / mac er ez wole verkoufen /
 15rb,26 unde niemanne anders /.
- 15va,1 wær aber / daz silber sô gæbe
 15va,2 wære / daz der münzmeister /
 15va,3 unde die hûsgenôze / sîn niht
 15va,4 triuteten geniezen / sô mac er
 15va,5 ez verkoufen / swem er wile .
 15va,6 // ez en sol ouch kein goltsmit /
 15va,7 kein silber koufen /
 15va,8 wan daz er selbe wirken wile .
 15va,9 durch sînen nutz /. unde sol ouch
 15va,10 der goltsmit / niemanne sîn silber
 15va,11 brennen / wan daz er selbe verwirken
 15va,12 wile . // man sol ouch
 15va,13 wizzen mêt /. swelich burgær
 15va,14 silber koufen wile / des er bedarf
 15va,15 hin ze Kerlingen /. ze Vranken /.
 15va,16 ze Bozen / oder ze Venedie /. der
 15va,17 sol koufen hin ze Kerlingen
 15va,18 vierzic marke /. unde niht mêt /

- 15va,19 unde zweinzic marke hin ze
 15va,20 Vranken /. zweinzic marke unde
 15va,21 niht mêr / hin ze Bôzen . unde
 15va,22 vierzic / hin ze Venedie . unde
 15va,23 swaz ouch der burgær mêr koufen
 15va,24 wile / danne als dâ vore geschriben
 15va,25 ist . daz sol er mit des münzmeisters
 15va,26 worte koufen . unde

 15vb,1 sol ez ouch wegen / vore dem
 15vb,2 münzmeister . swelich burgær
 15vb,3 diu selben reht brichet / als si
 15vb,4 dâ geschriben sint / der gît dem
 15vb,5 münzmeister sînen slegeschatz /.
 15vb,6 von dem silber daz er wider
 15vb,7 reht gekoufet hât . // swaz ouch
 15vb,8 verslagener pfenninge ist .
 15vb,9 swelicher hande münze die sîn /.
 15vb,10 die en sol nieman wehseln / wan
 15vb,11 der münzmeister / unde sîn rehter
 15vb,12 hûsgenôze . // swer daz
 15vb,13 brichet bewært ez der münzmeister /
 15vb,14 vore dem vogete . der ist
 15vb,15 dem vogete schuldic eines pfundes
 15vb,16 pfenninges /. unde dem münzmeister /
 15vb,17 des slegeschatzes / als
 15vb,18 dicke sô er ez brichet // ez
 15vb,19 en sol ouch kein gastgebe /
 15vb,20 von sînen gesten die hin ze im
 15vb,21 varent oder von andern gesten /
 15vb,22 kein silber koufen / ime
 15vb,23 selben / noch den gesten /. unde sol
 15vb,24 ez ouch niht wegen . swelich
 15vb,25 gastgebe daz dâr über bræche /
 15vb,26 der gît dem vogete ze buoze /

 16ra,1 ein pfunt pfenninge / unde
 16ra,2 dem münzmeister / als dicke
 16ra,3 sô er ez brichet . // der gastgebe
 16ra,4 mac wole von sînem
 16ra,5 gaste silber nemen / an der
 16ra,6 kost / die er dâ ze ime getân
 16ra,7 hât /. unde mac ouch daz selbe
 16ra,8 wegen âne galtnusse .
 16ra,9 swelich man sînen wert umbe
 16ra,10 silber gît /. ez sî der burgær
 16ra,11 oder der gast . der mac daz

16ra,12 wole tuon âne galtnusse . unde
 16ra,13 sol daz silber entpfâhen von
 16ra,14 dem münzmeister /. wile er
 16ra,15 aber daz silber verkoufen /.
 16ra,16 daz sol er der münze niht entwüeren /.
 16ra,17 unde sol ez verkoufen
 16ra,18 in die münze /. unde niemanne
 16ra,19 anders . bræche ieman daz / der
 16ra,20 gît den slegeschatz von dem silber /
 16ra,21 daz er dâ verkoufet hât .
 16ra,22 unde dem bischove / unde dem
 16ra,23 münzmeister ein pfunt pfenninge
 16ra,24 ze buoze . // swelich
 16ra,25 man in gotes verte varen wile /
 16ra,26 über mer /. ze Rôme / ze sancte

16rb,1 Jakobe /. oder swar er varen wile /
 16rb,2 der koufet silber wole / unde ander
 16rb,3 pfenninge / der er bedarf ze sîner
 16rb,4 zerunge /. unde hât kein galtnusse
 16rb,5 dâr umbe . // koufet ein
 16rb,6 gast in der stat silber âne des
 16rb,7 münzmeisters urloup /. der ist
 16rb,8 dem münzmeister / von dem silber
 16rb,9 des slegeschatzes schuldic .
 16rb,10 // diu münze hât ouch daz reht /
 16rb,11 swelich man entrinnet in die
 16rb,12 münze / oder under daz dach / vore
 16rb,13 der münze / umbe sweliche schulde
 16rb,14 daz ist /. der sol vride dâ hân /. unde
 16rb,15 sicher sîn / sînes lîbes / unde sînes
 16rb,16 guotes /. alsô daz im nieman kein
 16rb,17 leit tuon sol . bræche daz ieman
 16rb,18 dâr über /. der hât den bischov
 16rb,19 heimgesuochet / reht als in sîner
 16rb,20 kamer /. wan diu münze in sîne
 16rb,21 kamer hoeret /. unde sol sîn hulde
 16rb,22 gewinnen dâr umbe / unde ouch
 16rb,23 ime bezzern / an sîne genâde .
 16rb,24 // swenne man die pfenninge
 16rb,25 verslehet / unde man si niuwe ûz
 16rb,26 gît /. sô sol der münzmeister / dem

16va,1 bischove ze sînen êren geben /
 16va,2 ein pfunt pfenninge /. unde alliu
 16va,3 jâr an dem heiligen tage ze
 16va,4 den wîhenachten / ein pfunt

16va,5 pfenninge / ze opferpfenningen .
 16va,6 // diu münze hât ouch
 16va,7 daz reht daz die hûsgenôze /
 16va,8 reht geloete sulen haben / als daz
 16va,9 des münzmeisters ist . dâ ze swelichem
 16va,10 hûsgenôze / man daz vinde /
 16va,11 daz daz geloete niht reht ist .
 16va,12 ez sî ze swære / oder ze ringe /. swâ
 16va,13 er des bewert wirdet / dâ ist sîn guot /
 16va,14 des bischoves / nâch genâden /. unde
 16va,15 sol der voget rihten hin ze sînem
 16va,16 lîbe / als reht ist . wær aber daz .
 16va,17 daz er dâ von entwiche /. unde sich der
 16va,18 bischov sînes guotes underwûnte /
 16va,19 sô sol er des vogetes hulde doch gewinnen /.
 16va,20 wære aber daz / daz
 16va,21 niht guotes dâ wære /. sô sol er
 16va,22 des bischoves / unde des vogetes
 16va,23 hulde gewinnen . // zîhet aber
 16va,24 ieman den münzmeister / oder
 16va,25 keinen hûsgenôzen / keiner
 16va,26 valschen dinge /. mac der daz .

16vb,1 hin ze im / niht bewærn als reht
 16vb,2 ist /. sô sol man über in rihten / in
 16vb,3 allen dem rehte /. als über jenen
 16vb,4 den er dâ beschuldiget hât
 16vb,5 // swaz der münzmeister / oder
 16vb,6 die hûsgenôzen / silbers koufent /
 16vb,7 daz si niht verwirken mügent /.
 16vb,8 ez sî gebrant / oder pfenninge
 16vb,9 silber /. daz mügent si wole
 16vb,10 verkoufen ûz der münze / âne
 16vb,11 geværde / swem si wellent /. unde
 16vb,12 dultent kein galtnusse dâr umbe .
 16vb,13 // swenne man die
 16vb,14 pfenninge verslehet / sô sol man
 16vb,15 dem kappelære geben vünf
 16vb,16 schillinge pfenninge /. unde sol
 16vb,17 daz der münzmeister tuon .
 16vb,18 // man sol ouch wizzen ob dem
 16vb,19 bischove / ze wizzenne getân wirdet /
 16vb,20 oder sînen vitztuome / oder sîneme
 16vb,21 kamerær /. daz der hûsgenôzen
 16vb,22 keiner / oder der münzmeister /
 16vb,23 keine bôsheit an der ringe / der
 16vb,24 pfenninge getân habe /. dâ sol der
 16vb,25 bischov / sînen kamerær / oder

- 16vb,26 sînen vitztuom / hine senden ./
- 17ra,1 unde sol der bote / vore dem
 17ra,2 münzmeister / oder vore dem
 17ra,3 hûsgenôze / der sîn bezigen
 17ra,4 ist / in die pfenninge grîfen /
 17ra,5 âne geværde /. unde sol eine
 17ra,6 hant volle nemen /. unde sol
 17ra,7 die tragen ze dem münzmeister /
 17ra,8 unde sol si versuochen / ob si
 17ra,9 guot sîn /. unde in der swæren
 17ra,10 standen / als si danne gesetzt
 17ra,11 sint /. des selben hât gewalt
 17ra,12 alle wæge / ze tuonne des bischoves
 17ra,13 kamerær / unde sîn vitztuom ./
 17ra,14 swenne si wellent /. sint ouch
 17ra,15 die pfenninge niht reht / als
 17ra,16 si stân sulen / sô si versuochet werdent /
 17ra,17 sô sol der selbe / des die pfenninge
 17ra,18 gewesen sint / des bischoves
 17ra,19 hulde gewinnen / nâch
 17ra,20 sînen genâden . // ez en hât
 17ra,21 ouch nieman niht ze gebietenne
 17ra,22 dem münzmeister / noch den
 17ra,23 hûsgenôzen / noch anders niemanne /
 17ra,24 der in die münze hoeret /
 17ra,25 wan der bischov / unde sîn
 17ra,26 münzmeister / er ne pflege danne
- 17rb,1 anders gescheftes / danne der
 17rb,2 zuo der münze hoeret // man
 17rb,3 sol ouch wîzen / swenne der
 17rb,4 bischov sîne pfenninge heizet
 17rb,5 verslahen / unde daz mit
 17rb,6 guotem râte tuot /. swenne des zît
 17rb,7 ist / daz man si verbieten sol /. sô
 17rb,8 sol der voget / die sturmglocken
 17rb,9 heizen liuten /. unde sol der voget /
 17rb,10 die alten pfenninge verbieten /
 17rb,11 daz si nieman neme . unde sol
 17rb,12 ouch gebieten daz nieman mit
 17rb,13 den alten pfenningen koufe /
 17rb,14 noch verkoufe /. wan mit niuwen .
 17rb,15 pfenningen // dâ der voget
 17rb,16 die alten pfenninge verbiutet /
 17rb,17 dâ sol der bischov bî sîn / unde
 17rb,18 engagten ./ unde zuo im nemen

- 17rb,19 swen er wile . unde ist ouch des
 17rb,20 vogetes reht / swenne man die
 17rb,21 alten pfenninge verbiutet ./
 17rb,22 daz man im danne geben sol /
 17rb,23 ein pfunt niuwer pfenninge ./
 17rb,24 zehant . // man sol ouch wizzen
 17rb,25 mêt / sweliches tages der voget
 17rb,26 die alten pfenninge verbiutet
- 17va,1 ze nemenne /. ist daz ieman
 17va,2 dem andern gelten sol /.
 17va,3 der sol von dem tage / ze vierzehen
 17va,4 tagen gelten / sîneme geltær /.
 17va,5 mit alten pfenningen / unde sol
 17va,6 daz niemanne widerreden /. noch
 17va,7 versprechen / er ne neme die alten
 17va,8 pfenninge /. verwidert daz
 17va,9 ieman / den man des beweren
 17va,10 mac /. daz er der pfenninge niht
 17va,11 en wolte /. des sol jener kein galtnusse
 17va,12 hân /. unde sol doch sîn alte
 17va,13 pfenninge nemen . // man
 17va,14 sol ouch wizzen ob ieman keinem
 17va,15 juden gelten sol / dâ der
 17va,16 jude pfant umbe hât /. oder keinez /
 17va,17 dâ et er gesuoch von nimet daz
 17va,18 sol man umbe in loesen / umbe
 17va,19 alte pfenninge ze sehs wochen /
 17va,20 von dem tage unde die alten
 17va,21 pfenninge verboten sint / in
 17va,22 dem rehte als – dâ vore geschriben
 17va,23 stât . als aber die sehs wochen
 17va,24 hine sint / sô sol man ime
 17va,25 niuwe pfenninge geben / houbetguot /
 17va,26 unde den gesuoch // man
- 17vb,1 sol mêt wizzen swer pfant
 17vb,2 dâ ze eineme juden stênte hât /. oder
 17vb,3 ime sust gelten sol / ane pfande /
 17vb,4 kumet der jude / unde der / der daz
 17vb,5 pfant dâ ze ime stênte hât /. über
 17vb,6 eine / daz er im niuwe pfenninge
 17vb,7 vüre die alten geben wile / ûf ein
 17vb,8 zil / daz mac er wole tuon / âne
 17vb,9 galtnusse . // man sol ouch
 17vb,10 wizzen mêt / daz kein jude im
 17vb,11 selben / noch niemanne anders kein

17vb,12 silber koufen sol / âne des
 17vb,13 münzmeisters urloup . brichet
 17vb,14 ir keiner daz / dâr über . der
 17vb,15 gît die galtnusse / als si den kristenen
 17vb,16 dâ vore geschriben stât / als
 17vb,17 dicke sô er ez brichet // man
 17vb,18 sol ouch wizzen daz kein underköufel /
 17vb,19 niemanne kein silber koufen
 17vb,20 sol / noch verkoufen / âne des
 17vb,21 münzmeisters wort / unde sulen
 17vb,22 die underköufel des swern / vore
 17vb,23 dem vogete / unde vore dem münzmeister /
 17vb,24 daz si daz stæte halten /
 17vb,25 unde unzerbrochen . bræche
 17vb,26 ir keiner daz / des er bewert

18ra,1 würde /. dem sol man sîn hant
 18ra,2 abe slahen /. oder vüre die hant
 18ra,3 dem vogete ein pfunt
 18ra,4 // daz sint ouch diu reht /. diu die
 18ra,5 hûsgenôze hânt /. unde swer /
 18ra,6 zuo der münze hoeret . ob ir einer
 18ra,7 den andern roufet / oder
 18ra,8 slehet / oder swaz er im tuot / âne
 18ra,9 den tôtslac / unde âne die wunden /
 18ra,10 daz sol der münzmeister
 18ra,11 rihten /. unde anders nieman .
 18ra,12 swelicher slahte schulde einer
 18ra,13 dem andern tuot /. âne den tôtslac /
 18ra,14 unde âne wunden /. unde
 18ra,15 âne die diupstâl /. der ist dem
 18ra,16 münzmeister / niht mêt schuldic /
 18ra,17 danne vünf schillinge /
 18ra,18 pfenninge nâch genâden . unde
 18ra,19 sol des klagærs vriuntschaft gewinnen .
 18ra,20 ist aber daz ir einer /
 18ra,21 den andern heimsuochet /. daz
 18ra,22 rehtiu heimsuoche heizet /. der
 18ra,23 ist dem münzmeister schuldic /
 18ra,24 ze galtnusse vünf pfunt nâch
 18ra,25 genâden /. unde dem klagær zwelif
 18ra,26 êschillinge // man sol ouch

18rb,1 wizzen mêt / daz der münzmeister /
 18rb,2 noch kein hûsgenôz / in keines
 18rb,3 gastgeben hûse / noch in niemannes
 18rb,4 hûse / noch anderswâ /. kein silber

18rb,5 koufen sol / wan vore der münze ./
 18rb,6 swer daz under in brichet /. als
 18rb,7 dicke sô er ez brichet /. sô gât er
 18rb,8 dem münzmeister / vünf schillinge /
 18rb,9 nâch genâden ze galtnusse ./
 18rb,10 man sol ouch wizzen / ob ieman
 18rb,11 kumet vüre die münze / zuo dem
 18rb,12 münzmeister / oder zuo der hûsgenôzen
 18rb,13 einem /. unde wile wehseln /
 18rb,14 swaz er wehseln wile /. sprichet
 18rb,15 danne jener / “gânt danne mit
 18rb,16 mir in mîn hûs /” daz mac er wole
 18rb,17 tuon / ob er wile / âne galtnusse
 18rb,18 // spræche aber der münzmeister /
 18rb,19 oder der hûsgenôz / von im selben /.
 18rb,20 “gânt danne mit mir her heim /
 18rb,21 ich wile dâ heime mit iu wehseln /”
 18rb,22 swer daz tuot / der gât dem
 18rb,23 münzmeister / ze galtnusse vünf
 18rb,24 schillinge pfenninge / nâch genâden
 18rb,25 als dicke sô er ez tuot . // ist
 18rb,26 aber daz ieman kein silber wegen

18va,1 wile /. daz ûf keinen wehsel
 18va,2 hoeret / noch keinen hûsgenôz
 18va,3 an hoeret /. der sol daz wegen dâ
 18va,4 ze dem münzmeister /. unde niender
 18va,5 anderswâ . ist aber der münzmeister
 18va,6 hier heime niht /. swelichem
 18va,7 hûsgenôzen er ez danne entpfolhen
 18va,8 hât / der sol ez wole wegen /
 18va,9 unze der münzmeister
 18va,10 her wider heim kümet .
 18va,11 // man sol ouch wizzen daz der
 18va,12 hûsgenôzen geloete / alliu gelîchet
 18va,13 sulen sîn / nâch des münzmeisters
 18va,14 geloete /. unde sulen ouch alliu
 18va,15 gelich gestempfet sîn / mit einem
 18va,16 marke / daz der münzmeister
 18va,17 hât . // dâr über sô ist reht /.
 18va,18 daz ein iegelich man / er sî gewanter /.
 18va,19 krâmær /. gastgebe / hucker /.
 18va,20 vleischmanger / unde swer mit
 18va,21 wagenen / unde mit geloete umbe
 18va,22 gât /. gelîchiu geloete haben sulen /
 18va,23 diu alliu gemachet sîn / nâch des
 18va,24 münzmeisters geloete /. unde

- 18va,25 diu alliu geliche / mit des münzmeisters
 18va,26 stempfisene / gemerket

 18vb,1 sîn . unde swâ man diu gestempften
 18vb,2 geloete alsô niht
 18vb,3 rehtiu vindet / daz heizent valschiu
 18vb,4 geloete /. unde sol ez der
 18vb,5 voget rihten / nâch valsches rehte .
 18vb,6 // man sol ouch wizzen / daz
 18vb,7 diu münze sol haben / einen biderben
 18vb,8 man / êrbæren / unde gewissen /
 18vb,9 der ein hûsgenôz sî / unde
 18vb,10 der die münze bewar / unde
 18vb,11 versuoche an rechter witze
 18vb,12 // man sol ouch wizzen . swenne
 18vb,13 man die alten pfenninge verbiutet
 18vb,14 ze nemenne /. swer dâr
 18vb,15 nâch mit den alten pfenningen
 18vb,16 koufet / oder verkoufet ./
 18vb,17 swâ des vogetes boten / unde des
 18vb,18 münzmeisters / dâr zuo koment ./
 18vb,19 die sulen die pfenninge nemen /
 18vb,20 unde sulen iegelîchen enzwei
 18vb,21 snîden /. unde sulen jeneme diu stücke
 18vb,22 wider geben / dem si die pfenninge
 18vb,23 genomen habent / unde
 18vb,24 sol dâr über keine galtnusse
 18vb,25 mêt haben . waz rehtes der
 18vb,26 burcvrîde hât .

 19ra,1 ez hât der burcvrîde
 19ra,2 daz reht /. swelich man hier
 19ra,3 ze Augsburc einen tôtslac
 19ra,4 tuot /. swer den burcvrîde danne
 19ra,5 hât / der sol dem vogete klagen /.
 19ra,6 unde ist sîn reht /. daz man ime
 19ra,7 bezzern sol / mit zehen pfunde
 19ra,8 Rotwîlærn /. oder mit sehs pfunde
 19ra,9 Augsburgern /. ez en sî danne als
 19ra,10 verre / ob er hûs hât /. an swelichez
 19ra,11 er / oder sîn vriunt danne wîset /
 19ra,12 dâ sol im der voget hine rihten /.
 19ra,13 alsô / daz er daz hûs nider sol
 19ra,14 heizen slahen / mit der sturmglocken /.
 19ra,15 unde swenne der virst
 19ra,16 gevellet /. sô ist im gerihtet /
 19ra,17 umbe den burcvrîde /. unde ist

- 19ra,18 im keines pfenninges mêt
 19ra,19 schuldic /. unde sol der voget
 19ra,20 dannen gân /. unde sol nieman
 19ra,21 kein holz dannen tragen / hât
 19ra,22 aber er weder hûs / noch ander
 19ra,23 guot / sô ist er schuldic dem / der
 19ra,24 den burcvride hât / zehen pfunde
 19ra,25 Rotwîlær pfenninge / oder
 19ra,26 sehs pfunt Augsburger / in rehter
- 19rb,1 gülte // ist daz ein man den andern
 19rb,2 wundet /. daz vore gerihete ein
 19rb,3 wunde geheizen mac /. die man
 19rb,4 dem vogete vüre eine wunde bûezet /.
 19rb,5 der ist dem / der den burcvride
 19rb,6 hât / vünf schillinge Augsburger
 19rb,7 pfenninge schuldic . welich reht
 19rb,8 der zolnær haben süle in der stat
 19rb,9 unde dâ ze den brüggen .
 19rb,10 swelich gast sîn guot hier
 19rb,11 in der stat verkoufet /. der
 19rb,12 sol ze dem pfuntzolle geben / vier
 19rb,13 pfenninge nâch genâden .
 19rb,14 // koufent aber zwêne geste mit
 19rb,15 einander /. einen kouf an dem
 19rb,16 andern /. der muoz ietwederer sînen
 19rb,17 pfuntzol geben / vier pfenninge
 19rb,18 von dem pfunde nâch genâden .
 19rb,19 // koufet ouch ein gast mit
 19rb,20 einem burgær einen koufschatz /
 19rb,21 gegen dem anderen /. des hât der
 19rb,22 zolnær gewalt ze nemenne den
 19rb,23 zol von dem gaste /. von dem koufe
 19rb,24 den er dâ hin gît /. oder von dem /
 19rb,25 den er an sînem koufe nimet .
 19rb,26 // kumet ouch ein gast in die
- 19va,1 stat /. unde gît sînen koufschatz
 19va,2 umbe bereite pfenninge /. unde
 19va,3 koufet mit den pfenningen / einen
 19va,4 andern koufschatz /. swelicher
 19va,5 hande der ist /. sô hât der zolnær
 19va,6 des gewalt /. daz er von im nimet
 19va,7 den zol / von dem koufschatze .
 19va,8 den er dâ hin gegeben hât /. oder
 19va,9 von dem / den er dâ gekoufet hât .
 19va,10 // man sol ouch wizzen daz

19va,11 der zolnær / nemen sol von den
 19va,12 gesten die in die stat varent /. unde
 19va,13 salz vüerent / von iegelîchem vuoder
 19va,14 salzes / einen pfenninc .
 19va,15 // koufet aber ein gast hier in der
 19va,16 stat salz /. der ez wider ûz vüeren
 19va,17 wile /. der gît ouch von dem vuoder
 19va,18 einen pfenninc . // er sol ouch
 19va,19 nemen von zwein schîben einen
 19va,20 pfenninc // er sol ouch nemen
 19va,21 von einer blahen salzes
 19va,22 vier pfenninge . // von einem
 19va,23 vuoder wînes vier pfenninge .
 19va,24 // ein halp vuoder zwêne .
 19va,25 // von eineme soume honiges den
 19va,26 man ûz der stat vüeret / dâ sol

19vb,1 er zwêne pfenninge von nemen /
 19vb,2 von den gesten . verkoufet
 19vb,3 man aber daz honic hier
 19vb,4 in der stat /. sô sol er von dem
 19vb,5 einber zwêne pfenninge nemen
 19vb,6 // swelich gast einen
 19vb,7 esel verkoufet / dâ sol er drîzic
 19vb,8 pfenninge von nemen // von
 19vb,9 eineme rosse vier pfenninge .
 19vb,10 von eineme rinde einen pfenninc .
 19vb,11 // von keinem varhe /
 19vb,12 nihtesniht // von einem stübiche
 19vb,13 nütze / einen pfenninc .
 19vb,14 vüeret man aber die nütze
 19vb,15 in secken /. sô nimet er von dem
 19vb,16 scheffel / einen pfenninc .
 19vb,17 // von eineme stübiche biren / oder
 19vb,18 epfel / einen pfenninc // von
 19vb,19 einem bachem / der eines pfundes
 19vb,20 wert ist / zwêne pfenninge .
 19vb,21 der eines halben pfundes wert
 19vb,22 ist / einen pfenninc . unde swaz
 19vb,23 sîn minner ist / einen helbelinc .
 19vb,24 // von einer wâge wahses
 19vb,25 vier pfenninge . // von einer
 19vb,26 wâge unslites / zwêne pfenninge .

20ra,1 // von einer wâge smerwes /
 20ra,2 zwêne pfenninge // von eineme
 20ra,3 steine gewollen / einen pfenninc .

- 20ra,4 // von einer iegelichen rindes
 20ra,5 hiute / die man besunder verkoufet
 20ra,6 einen helbelinc // von
 20ra,7 einer geworhten / einen pfenninc
 20ra,8 // swelich gast lînwât
 20ra,9 her in die stat vüeret /. der si vore
 20ra,10 der stat gekoufet hât /. der gît den
 20ra,11 pfuntzol // swelich webær
 20ra,12 sîne lînwât her in die stat vüeret /.
 20ra,13 die er selbe geworht oder
 20ra,14 gekoufet hât / der gît den pfuntzol
 20ra,15 // swelich ûzman / oder
 20ra,16 vrouwe / in sînem hûse lînwât erziuget /
 20ra,17 âne geværde /. bringet
 20ra,18 er die in die stat . unde wile si verkoufen
 20ra,19 der sol keinen zol geben
 20ra,20 // von einem iegelichen
 20ra,21 mülesteine / vier pfenninge .
 20ra,22 // von eineme tôten juden der vremede
 20ra,23 ist /. unde man in in die
 20ra,24 stat vüeret /. dâ sol der zolnær drîzic
 20ra,25 pfenninge von nemenne .
 20ra,26 // vüeret ouch ein gast durch

 20rb,1 die stat / sînen koufschatz in soumes
 20rb,2 wîse /. der sol geben ie von
 20rb,3 dem soume / zwêne pfenninge .
 20rb,4 // sint ez aber hüete / sô slehet er
 20rb,5 ie zweinzic grôze hüete / vüre einen
 20rb,6 soum . unde vünf unde zweinzic
 20rb,7 kleiner / vüre einen soum
 20rb,8 // swaz aber ein man anders vüeret
 20rb,9 daz gegen eineme soume geziuhet /.
 20rb,10 der gît ie von dem soume
 20rb,11 zwêne pfenninge . // kumet
 20rb,12 ein gast in die stat / unde gît sînen
 20rb,13 koufschatz / swelicher hande
 20rb,14 der ist umbe bereite pfenninge /
 20rb,15 der gît dem zolnær sînen pfuntzol .
 20rb,16 lât aber der gast die pfenninge
 20rb,17 vürebaz ligen / ûf ein zil .
 20rb,18 daz er ir niht an gelegen mac /
 20rb,19 swenne er si dâr nâch an einen
 20rb,20 koufschatz leit /. sô ist er dem
 20rb,21 zolnær von dem selben guote /.
 20rb,22 keines zolles schuldic /. wan er ez
 20rb,23 im . êr . verrihtet hât // unde
 20rb,24 gît ein gast sînen koufschatz

- 20rb,25 dinges / ûf ein zil . unde hât er
 20rb,26 den zolnær des êrren mâls verrihtet /.
- 20va,1 sô ist er im von dem selben
 20va,2 guote / niht mêt schuldic .
 20va,3 // stirbet aber einem manne
 20va,4 sîn ros /. oder sîn rint /. unde bringet
 20va,5 die selben hiute in die stat /
 20va,6 ûf dem markete /. der gît niht
 20va,7 zolles dâ von . // vüeret ein
 20va,8 gast dem zolnær sînen zol hin /.
 20va,9 begrîfet er den / sô sol ime der
 20va,10 zolnær geben den zol / den er
 20va,11 von im genomen solte hân /. unde
 20va,12 sol sich der zolnær / jenes guotes
 20va,13 underwinten /. unde sol ez ime
 20va,14 haben ûf genâde . // swelich
 20va,15 burgær / eines gastes guotes sich
 20va,16 an nimet . dâr umbe daz er dem
 20va,17 zolnær sînen zol entvüere /. wirdet
 20va,18 des der zolnær innen . unde er in
 20va,19 des mit rehte bewîsen mac /. der
 20va,20 sol dem zolnær sînen zol / zwivalentic
 20va,21 geben /. unde dem vogete
 20va,22 vünf schillinge / umbe die vrevel .
 20va,23 // man sol wîzen / ob den
 20va,24 zolnær an den vore genanten sachen /
 20va,25 kein nôt ane gienge /. dâ
 20va,26 er des zolles reht / mite behaben
- 20vb,1 sol /. dâ en bedarf er niemannes
 20vb,2 mêt zuo /. wan sîn selbes unde
 20vb,3 sîner knehte /. ez en wære danne
 20vb,4 als verre / daz ez ime ze starc
 20vb,5 würde / dâ sol im der voget
 20vb,6 helfen / unde vürdern / sînes rehtes .
 20vb,7 // daz sint diu reht diu der
 20vb,8 zolnær hât / an den eigenen diu
 20vb,9 in der stat / ze burcrehte ligent /.
 20vb,10 diu sulen ire zins geben / alliu
 20vb,11 jâr / an sancte Michels tage /. als
 20vb,12 der zolnær dar kumet /. unde in
 20vb,13 vordert / sô sol man im geben .
 20vb,14 gît man ez im des êrsten jâres /. unde
 20vb,15 des andern jâres niht / daz en
 20vb,16 schadet jenem / der daz eigen
 20vb,17 hât niht . gît aber er dem zolnær

- 20vb,18 sînen zins / von dem eigene / von
 20vb,19 dem dritten jâre / unde von den êrsten
 20vb,20 zwein / sô ist er ledic / vore dem
 20vb,21 zolnær unde hât in gewert /
 20vb,22 versûmet aber der . der daz eigen
 20vb,23 hât . daz er den zins / ze den
 20vb,24 drîn jâren versezzen hât /. daz
 20vb,25 er dem zolnær niht worden ist /.
 20vb,26 unde mac der zolnær daz bringen /
- 21ra,1 als reht ist /. sô ist im daz eigen
 21ra,2 zinsvellic / unde ledic worden /
 21ra,3 mit allem rehte // der zolnær
 21ra,4 sol ouch / dâ er den zins vordert /
 21ra,5 nemen die nâchgebûren dâr
 21ra,6 zuo /. die iewederthalp des eigenes
 21ra,7 gesezzen sint /. dâ er den
 21ra,8 zins gevordert hât /. unde sol der
 21ra,9 dester mêr nemen /. ob einer
 21ra,10 sterbe / sô ez ze schulden kome /
 21ra,11 daz er ez erziugen müge /. daz
 21ra,12 er den zins gevordert habe / von
 21ra,13 dem eigene als reht ist /. unde sol
 21ra,14 daz tuon vore dem vogete / selbe dritte /
 21ra,15 mit den nâchgebûren .
 21ra,16 // swer ouch ein eigen hin gît /
 21ra,17 daz in der stat ze burcrehte lît /
 21ra,18 swenne man daz eigen verkoufet
 21ra,19 swer daz danne koufet /
 21ra,20 der gît dem zolnær sîn reht / dâ
 21ra,21 von / alsô daz der zins kumet
 21ra,22 selbe vünfte /. den er . êr . alliu jâr
 21ra,23 von dem eigene gegeben hât /. unde
 21ra,24 heizet daz / rehtiu wegeloese .
 21ra,25 // ist aber daz er dem zolnær /
 21ra,26 sînes rehtes von dem eigene niht
- 21rb,1 en gît /. sô hât der zolnær des gewalt /
 21rb,2 daz er tor oder türe / nider
 21rb,3 legen sol an dem eigene /. unde sol
 21rb,4 die jener niht wider an henken /
 21rb,5 unz er dem zolnær sîn reht dâ
 21rb,6 von gît . bræche jener daz / sô gît
 21rb,7 er dem vogete / vünf schillinge / unde
 21rb,8 sol der voget dem zolnær rihten /
 21rb,9 umbe sîn wegeloese . wie man
 21rb,10 ze der obern brügge zollen sol .

21rb,11 ze der obern brügge gît ein wagen
 21rb,12 mit vünf vuodern salzes einen
 21rb,13 pfenninc . treget er mêt danne
 21rb,14 vünf vuoder sô gît er zwêne pfenninge
 21rb,15 // ein wagen mit zehen
 21rb,16 schîben salzes gibet einen pfenninc .
 21rb,17 unde swaz er dâr über
 21rb,18 treget / sô gît er zwêne pfenninge .
 21rb,19 // ein wagen mit wîne gibet
 21rb,20 zwêne pfenninge // ein wagen
 21rb,21 mit mete gibet zwêne pfenninge .
 21rb,22 // ein wagen mit biere gît
 21rb,23 einen pfenninc // ein wagen
 21rb,24 mit korne gît einen pfenninc .
 21rb,25 // ein wagen mit obeze einen
 21rb,26 pfenninc // ein wagen mit

21va,1 hewe einen pfenninc // ein
 21va,2 wagen mit strôwe einen helbelinc .
 21va,3 // ein wagen mit holze
 21va,4 gibet einen helbelinc // ein
 21va,5 soum kupfers gît einen helbelinc
 21va,6 // ein soum zines gibet
 21va,7 einen helbelinc // ein soum
 21va,8 blîwes / einen helbelinc // ein
 21va,9 soum von welhischem lande /
 21va,10 gibet einen helbelinc // swer
 21va,11 eine rindes hût treget ûf dem
 21va,12 rügge / der gît einen helbelinc .
 21va,13 // von hundert ellen lînînes
 21va,14 tuoches / einen helbelinc . swer
 21va,15 minner treget danne hundert ellen /
 21va,16 der gît nihtesniht . // swer
 21va,17 treget ûf dem rügge /. garn /. vlachs ./
 21va,18 oder wollen / der gît einen helbelinc
 21va,19 // von zweinzic ellen
 21va,20 grobes tuoches / die ein man ûf
 21va,21 sîneme rügge treit /. gît man einen
 21va,22 helbelinc . ist sîn mêt . sô gibet
 21va,23 er einen pfenninc . ist sîn minner /
 21va,24 sô gibet er nihtesniht // von
 21va,25 eineme rosse einen helbelinc
 21va,26 // von einem esel einen helbelinc .

21vb,1 // von eineme ohsen einen helbelinc
 21vb,2 // von eineme rinde einen
 21vb,3 helbelinc // von eineme swîne /

- 21vb,4 einen helbelinc // von sehs
 21vb,5 schâfen / gît man einen pfenninc
 21vb,6 // ein wagen mit honige /
 21vb,7 von zwein einbern / gît einen
 21vb,8 helbelinc // ein soum honiges /
 21vb,9 einen helbelinc // von eineme
 21vb,10 mülesteine / gît man einen pfenninc
 21vb,11 // von einem bachten /
 21vb,12 einen helbelinc // ein wagen
 21vb,13 mit hûeten / der gît ie von zweinzic
 21vb,14 hûeten / einen pfenninc .
 21vb,15 // ein wagen mit îsene / gibet
 21vb,16 zwêne pfenninge // ein wagen
 21vb,17 mit heringen / gît zwêne
 21vb,18 pfenninge // von eineme boteche
 21vb,19 einen helbelinc // von
 21vb,20 einem bette / einen helbelinc .
 21vb,21 // von swaz ein man ûf dem
 21vb,22 rûgge treit / einen helbelinc .
 21vb,23 // swelich burgær den jârzol
 21vb,24 gît / daz ist ein halp pfunt pfeffers .
 21vb,25 unde der vleischheckel / zwô
 21vb,26 schulter . unde der pfaffe zwô /
- 22ra,1 gense / die sulen daz geben unde
 22ra,2 anders niht . der brügge zol ze
 22ra,3 Stravanes tore . // dâ ze Stravanes
 22ra,4 brügge / gît der stübich obezes /
 22ra,5 einen pfenninc . // von einer
 22ra,6 zieche mit nûzze / einen helbelinc
 22ra,7 // ein sac mit hâre /
 22ra,8 gît drî helbelinge . // von einem
 22ra,9 stübiche nûzze / einen
 22ra,10 pfenninc // ein wagen mit
 22ra,11 wîne / gît zwêne pfenninge .
 22ra,12 // von eineme iegelîchen soume / einen
 22ra,13 helbelinc // ein halbez
 22ra,14 vuoder wînes / gît einen pfenninc
 22ra,15 // von eineme vuoder
 22ra,16 bieres / zwêne pfenninge .
 22ra,17 // ein vuoder metes / zwêne pfenninge
 22ra,18 // von einem wagene /
 22ra,19 mit vûnf vuodern salzes / einen
 22ra,20 pfenninc . // treget er mêt ./
 22ra,21 sô gît er zwêne /. treget er minner /
 22ra,22 sô gît er einen pfenninc .
 22ra,23 // ist aber diu ober brügge hin /.

- 22ra,24 sô gît iegelich vuoder salzes einen
 22ra,25 helbelinc // ein iegelich
 22ra,26 wagen mit îsene /. oder mit zine /

 22rb,1 oder mit blî /. oder mit heringe /
 22rb,2 gânt vier ros in dem wagene / sô
 22rb,3 gît er zwêne pfenninge . ist aber
 22rb,4 der rosse mêt / danne vieriu . sô
 22rb,5 gît er vier pfenninge . // ein
 22rb,6 wagen mit hiuten / gît ie von
 22rb,7 zweinzic hiuten / einen pfenninc
 22rb,8 // von eineme soume
 22rb,9 wahses / einen helbelinc
 22rb,10 // von einem einber honiges / einen
 22rb,11 helbelinc // von einem
 22rb,12 mülesteine / einen pfenninc .
 22rb,13 // ein wagen mit eichînem holze /
 22rb,14 daz behouwen ist / einen pfenninc
 22rb,15 // von eineme ganzen
 22rb,16 loden / einen pfenninc . ist
 22rb,17 sîn minner / sô gît er einen helbelinc
 22rb,18 // von eineme rosse / einen
 22rb,19 helbelinc // ein rint / einen
 22rb,20 helbelinc // von eineme
 22rb,21 esel / einen helbelinc // von
 22rb,22 einem varhe / einen helbelinc .
 22rb,23 // von zehen schâfen / einen
 22rb,24 pfenninc . // von zwein
 22rb,25 kleinen verhern / einen helbelinc
 22rb,26 // ein bette / gît einen

 22va,1 helbelinc . // ein bache / einen
 22va,2 helbelinc nâch genâden . // swaz
 22va,3 ein man ûf sînem rügge treit ./
 22va,4 dâ gît er einen helbelinc von /.
 22va,5 âne ob er hiute treit . sô gît er
 22va,6 ie von der hiute einen helbelinc
 22va,7 nâch genâden . // von zwein
 22va,8 bocken / einen helbelinc // ein
 22va,9 tôter jude / den man her ze der
 22va,10 stat vüeret gît drîzic pfenninge .
 22va,11 // swelich burgær den
 22va,12 jârzol gît /. daz ist ein halp pfunt
 22va,13 pfeffers . unde der vleischheckel
 22va,14 zwô schulter . unde der pfaffe
 22va,15 zwô gense /. die sulen daz geben .
 22va,16 unde anders niht . der brügge

22va,17 zol ze Wertahær brügge .
 22va,18 // dâ ze Wertahær brügge gât
 22va,19 der wagen wînes einen pfenninc .
 22va,20 // ein karre wînes mit
 22va,21 zwein rossen / oder mit drîn / gât
 22va,22 einen pfenninc . unde mit
 22va,23 eineme rosse / einen helbelinc .
 22va,24 // von mete / unde von biere / gibet
 22va,25 man daz selbe . // ein wagen
 22va,26 mit honige einen pfenninc .

22vb,1 // von eineme karren mit honige /
 22vb,2 dâ zwei ros / oder driu / ane
 22vb,3 gânt einen pfenninc // von
 22vb,4 eineme karren / mit eineme einigem
 22vb,5 rosse / einen helbelinc // ein
 22vb,6 wagen mit korne / einen pfenninc
 22vb,7 // von eineme vuoder
 22vb,8 salzes / einen helbelinc // von
 22vb,9 eineme iegelîchen soume / einen
 22vb,10 helbelinc // ein karre mit
 22vb,11 kupfer . mit drîn rossen / oder
 22vb,12 mit zwein / gât einen pfenninc .
 22vb,13 mit eineme rosse / einen helbelinc .
 22vb,14 // zin / unde blî / gât daz selbe /.
 22vb,15 // ein wagen mit îsene / einen
 22vb,16 pfenninc // ein wagen mit
 22vb,17 heringe / einen pfenninc .
 22vb,18 ein wagen mit korne / einen
 22vb,19 pfenninc // ein wagen mit
 22vb,20 hâuwe / einen pfenninc // ein
 22vb,21 wagen mit strôwe / einen helbelinc .
 22vb,22 // ein wagen mit
 22vb,23 holze einen helbelinc /. oder eine
 22vb,24 stangen // von eineme rosse /
 22vb,25 einen helbelinc // von eineme
 22vb,26 ohsen / einen helbelinc // von

23ra,1 eineme rinde / einen helbelinc .
 23ra,2 // von eineme esel / einen helbelinc .
 23ra,3 // von eineme gemesteten varhe /
 23ra,4 einen helbelinc // zwei mitteriu
 23ra,5 swîn / einen helbelinc // unde
 23ra,6 von vier kleinen / einen helbelinc .
 23ra,7 // von zehen schâfen /.
 23ra,8 einen pfenninc // ein bache /
 23ra,9 gât einen helbelinc // von

- 23ra,10 zweinzic hiuten / einen pfenninc
 23ra,11 // ein mülestein / einen
 23ra,12 pfenninc // swelich burgær
 23ra,13 sîn vihe / ûf die weide læt . der
 23ra,14 gît nihtesniht dâ von // von
 23ra,15 eineme karren mit lînînem tuoche /
 23ra,16 einen pfenninc // swer
 23ra,17 eine rindes hût ûf dem rügge
 23ra,18 treit / der gît einen helbelinc dâ
 23ra,19 von // ein gegerbetiu hût / gît
 23ra,20 einen helbelinc // von hundert
 23ra,21 ellen lînînes tuoches / einen
 23ra,22 helbelinc / von minner nihtesniht
 23ra,23 // swer ûf sîneme rügge
 23ra,24 treit /. wolle /. garn /. oder vlahs ./
 23ra,25 der gît dâ von einen helbelinc .
 23ra,26 // von zweinzic ellen grobes
- 23rb,1 tuoches / einen helbelinc . die ein
 23rb,2 man treit . von minner nihtesniht .
 23rb,3 // swelich burgær den jârzol
 23rb,4 gît / daz ist ein halp pfunt pfeffers .
 23rb,5 unde der vleischheckel zwô
 23rb,6 schulter /. unde der pfaffe zwô gense /.
 23rb,7 die sulen daz geben unde anders .
 23rb,8 niht . welich reht der hovemeier gein
 23rb,9 der stat hât . unde diu stat gein im .
 23rb,10 ez sol der hovemeier /
 23rb,11 keinen hirten setzen /
 23rb,12 wan mit des vogetes râte / unde
 23rb,13 der burgær . er sol ouch keinen
 23rb,14 ezzischheien nemen / wan mit ire
 23rb,15 râte . er sol ouch ze iegelicher
 23rb,16 herte / zwêne knehte haben .
 23rb,17 der einer vore gê / der ander
 23rb,18 nâch /. verliuset er dâr über kein
 23rb,19 rint . daz er oder sîne knehte
 23rb,20 verwarlôsant / daz si ez in die
 23rb,21 ziune niht wider antwürtent /
 23rb,22 gesundez / als reht ist . sô sulen si
 23rb,23 ez dem gelten / des ez gewesen
 23rb,24 ist . hât er es niht ze vergeltenne /
 23rb,25 sô sol ez der hovemeier gelten /.
 23rb,26 ez en sî danne als verre daz der
- 23va,1 alter berede / ûf sîneme hirtenstabe .
 23va,2 daz er ez wider in die ziune /

- 23va,3 habe geantwürtet wole gesundez /
 23va,4 sô ist er ledic // er sol ouch
 23va,5 behüeten / swâ er über brügge
 23va,6 trîbet /. daz er alsô bescheidenlîchen
 23va,7 trîbe / unde als gewærlîchen /.
 23va,8 daz iemanne kein schade / dâ
 23va,9 von geschehe . swâ er daz verwarlôset
 23va,10 daz iemanne kein schade /
 23va,11 dâ von geschihet . ez sî daz
 23va,12 ein rint daz ander erhiewe / oder
 23va,13 daz ez sich ze tôde erviele /. oder
 23va,14 daz ez ertrünke /. daz sol er gelten /.
 23va,15 mac er es niht vergelten /.
 23va,16 sô sol ez der hovemeier gelten /.
 23va,17 wær aber daz /. daz ein rint daz
 23va,18 ander erhiewe / oder erstieze ./
 23va,19 âne des hertærs schulde /. swes
 23va,20 daz rint ist / daz den schaden getân
 23va,21 hât der sol daz gelten / jeneme
 23va,22 dem der schade geschehen ist ./
 23va,23 als er in bereit mit sînen zwein
 23va,24 vingern swes ez wart unz des
 23va,25 tages / dô er ez ûz treip . sô hât
 23va,26 ouch jener die wal /. wile er im

 23vb,1 den selpscholen geben / daz den
 23vb,2 schaden getân hât /. sô ist er im
 23vb,3 keines pfenninges schuldic /.
 23vb,4 unde hât im dâ mit gebezzert /
 23vb,5 unde ist der âwasel des / der dâ
 23vb,6 gebezzert hât . // swaz ieman
 23vb,7 rehtes / von dem hovemeier hât /
 23vb,8 daz in den hov hoeret / daz sol er
 23vb,9 im niht brechen / die wîle der
 23vb,10 bischov lebet / unde der hovemeier /.
 23vb,11 wolte daz der hovemeier brechen /
 23vb,12 daz er iemanne keinen gewalt
 23vb,13 tæte /. den sol der voget vüeren /
 23vb,14 zuo dem bischove / unde sol
 23vb,15 im rehtes helfen . wolte des der
 23vb,16 bischov niht rihten / sô hât der
 23vb,17 voget den gewalt / daz er rihten
 23vb,18 sol / unde iegelîchen schermen /
 23vb,19 sol / vore gewalte // tæte aber
 23vb,20 der hovemeier / oder ieman den
 23vb,21 burgærn keinen gewalt / an ire
 23vb,22 viheweide / daz sulen si dem bischove /
 23vb,23 mit dem vogete klagen /.

- 23vb,24 rihtet in der bischov niht / sô
 23vb,25 sol in der voget rihten hin ze im .
 23vb,26 welich reht daz klôster von sancte
- 24ra,1 Uolrîche hât ze behaltenne einen
 24ra,2 iegelîchen schedelîchen man .
 24ra,3 daz klôster von sancte Uolrîche
 24ra,4 hât daz reht /. swaz
 24ra,5 ein man tuot / der dar gevlohen
 24ra,6 kumet / als er ûf die grêde kumet /
 24ra,7 sô sol er vride haben /. unde
 24ra,8 hât daz klôster in gewalte ze behaltenne /
 24ra,9 drî tage . unde swenne
 24ra,10 man hin ze dem selben manne gerihtet /.
 24ra,11 mit der æhte /. umbe sweliche
 24ra,12 sache daz ist /. unde daz dem
 24ra,13 abbete kunt getân wirdet / oder
 24ra,14 der samenunge /. sô sulen si in
 24ra,15 niht vürebaz gehalten . behaltent
 24ra,16 si in dâr über langer
 24ra,17 danne als dâ vore gesprochen
 24ra,18 ist . sô brichet nieman kein
 24ra,19 reht an in . welich reht unser hêrren
 24ra,20 von dem kôre habent ouch schedelîche
 24ra,21 liute ze behaltenne .
 24ra,22 swer in ein iegelîche
 24ra,23 kirechen / gevlohen kumet /
 24ra,24 umbe sweliche schulde daz
 24ra,25 ist /. der hât vride dâr inne . ez
 24ra,26 hât ouch nieman keinen gewalt /
- 24rb,1 vürebaz den andern ze behaltenne
 24rb,2 der den tôtslac / oder
 24rb,3 die wunden getân hât / wan als
 24rb,4 dâ vore geschriben ist . ein iegelich
 24rb,5 biderber man hier ze Augsburc /
 24rb,6 hât daz reht /. ez sîn kôrhêrren /
 24rb,7 dienstman /. oder burgær ./
 24rb,8 swelich man in ir hûs gevlohen
 24rb,9 kumet . daz si dem râten unde
 24rb,10 helfen /. unde schermen /. unde im
 24rb,11 hin helfen sulen /. unz an den voget
 24rb,12 daz der selbe kumet /. der hât
 24rb,13 den gewalt daz er in suochet .
 24rb,14 unde sol im der wirt türe / unde
 24rb,15 tor / ûf tuon /. unde sol im daz
 24rb,16 niht wern /. koment aber vogetes

24rb,17 knehte / unde weibell dar . die
 24rb,18 habent des gewaltes niht / daz
 24rb,19 man in türe oder tor / ûf tuon süle .
 24rb,20 welich reht die burgær hier ze der
 24rb,21 stat . unde ein iegelich antwerc
 24rb,22 an sîneme antwerke haben
 24rb,23 schüle . als her nâch geschriben
 24rb,24 stât .
 24rb,25 swaz ein iegelich burgær
 24rb,26 koufschatzes bringet /

24va,1 durch die berge / den man
 24va,2 bî der wâge wegen sol /. swem
 24va,3 er in gît / er sî burgær / oder gast .
 24va,4 swaz über vünff unde zweinzic
 24va,5 pfunt ist / des sol er in wern
 24va,6 ze vrônnewâge / unde niender
 24va,7 anders . er neme ez oder gebe
 24va,8 ez . unde swaz dâr under ist .
 24va,9 under vünff unde zweinzic
 24va,10 pfunde . daz wiget ein burgær /
 24va,11 wole selbe . bî zwein pfunden /
 24va,12 unde tuot wider nieman dâr
 24va,13 an niht . hât ein gast koufschatz
 24va,14 hier / den man bî der wâge
 24va,15 wegen sol . ez sî wahs . oder
 24va,16 unslit . oder smerw . oder swaz
 24va,17 man bî der wâge wegen sol /.
 24va,18 des sol er einen iegelichen man
 24va,19 wern / dâ ze vrônnewâge . ez sî
 24va,20 wênic oder vile . unde anders
 24va,21 niender . // bringet ein burgær
 24va,22 öle / her ûz . des er samentkoufes
 24va,23 niht verkoufen mac .
 24va,24 daz mac er ûf der strâze wole
 24va,25 verkoufen bî der wâge . mit
 24va,26 des burcgrâven urloube . unde

24vb,1 sol aber in des / der burcgrâve
 24vb,2 niht irren / noch nieman anderz .
 24vb,3 unde sol er dem burcgrâven /
 24vb,4 dâ von sîn reht geben . von
 24vb,5 der lægelen zwei pfunt öles .
 24vb,6 // bringet ein gast öle her /
 24vb,7 daz sol er samentkoufes verkoufen .
 24vb,8 unde niht minner /
 24vb,9 danne bî der lægelen . // bringet

- 24vb,10 ein burgær heringe her /
 24vb,11 mac er in samentkoufes niht
 24vb,12 verkoufen / sô hât er des gewalt
 24vb,13 daz er sînen herinc wole verkoufet /
 24vb,14 in sîneme hûse bî vûnvzigen /
 24vb,15 unde niht dâr under âne
 24vb,16 des burcgrâven urloup .
 24vb,17 // er sol ouch ze markete dâ mite
 24vb,18 niht stân / âne des burcgrâven
 24vb,19 urloup . // bringet ein gast
 24vb,20 herinc her / der sol des niht
 24vb,21 minner verkoufen danne bî
 24vb,22 ganzer meise . unde hât des der
 24vb,23 burcgrâve niht reht / daz er im
 24vb,24 iht minner erloube ze verkoufenne
 24vb,25 // bringet ein burgær
 24vb,26 vîgen her die an rîsern sint .
- 68ra,1 ist daz
 68ra,2 ein man ûf einen kouf kumet /
 68ra,3 unde dâr obe stât /. swelicher hande
 68ra,4 koufschatz daz ist /. die wîle er
 68ra,5 in veilet / sô sol in nieman koufen /
 68ra,6 gât aber ein anderr dar / unde koufet
 68ra,7 in im ûz der hant / der hât den vûrekouf
 68ra,8 begangen / unde ist dem vogete
 68ra,9 schuldic eines pfundes // ist
 68ra,10 aber daz jener dem vogete klaget /
 68ra,11 dem der vûrekouf dâ geschehen
 68ra,12 ist /. sô ist reht wile jener lougenen /
 68ra,13 den er des vûrekoufes zîhet /. daz
 68ra,14 er berede ze den heiligen /. oder er ne
 68ra,15 breche ez im danne selbe dritte /
 68ra,16 mit ire eide /. unde als er in selbe
 68ra,17 beziuget /. sô ist der der den vûrekouf
 68ra,18 dâ getân hât / dem vogete schuldic
 68ra,19 eines pfundes / unde sol jener sînen
 68ra,20 kouf hân ob er wile . nimet aber
 68ra,21 er jenez reht / den er dâ an gesprochen
 68ra,22 hât / des selben ist ouch der
 68ra,23 kouf /. unde ist dem vogete nihtes
 68ra,24 schuldic . // ist aber daz ein man
 68ra,25 ob eineme koufe stât swenne er
 68ra,26 danne dâr von gât / sô ist er mennegelich
- 68rb,1 vrî ze koufenne // ez sol ouch
 68rb,2 kein vuoterær vore prîmezît kein

68rb,3 höuwe koufen . swelicher daz brichet
 68rb,4 daz er vore prîmezît koufet
 68rb,5 höuwe / der ist dem vogete schuldic
 68rb,6 vünf schillinge . // ist daz ein
 68rb,7 vuoterær stât bî höuwe vore prîmezît /
 68rb,8 gât ein burgær dâr zuo oder
 68rb,9 sîn liute /. sô sol der vuoterær dâr von
 68rb,10 gân . koufet aber ein vuoterær
 68rb,11 höuwe vore prîmezît . kumet ein burgær
 68rb,12 oder sîn bote / oder eines kôrhêren
 68rb,13 bote dâr zuo /. wile er ez danne haben
 68rb,14 umbe den selben kouf /. als
 68rb,15 er ez gekoufet hât /. sô sol er ez ime
 68rb,16 lâzen oder sînem boten . tuot er
 68rb,17 des niht . sô ist er dem vogete schuldic
 68rb,18 vünf schillinge / wirdet ez im
 68rb,19 geklaget /. unde sol im doch daz höuwe
 68rb,20 lân ob er ez wile . // swer gein
 68rb,21 dirre stat gât mit lîpnar /. unde
 68rb,22 koufet die lîpnar / ieman der si
 68rb,23 anderstunt verkoufen wile / innerhalp
 68rb,24 einer mîle / alumbe unde
 68rb,25 umbe die stat /. der ist dem vogete
 68rb,26 schuldic vünf schillinge .

68va,1 swaz der lîpnar die man dâ hier
 68va,2 nennet / in dise stat kumet /. ez sîn
 68va,3 hüener /. eier / kâse /. milchsmalz /.
 68va,4 unde rüebe / unde obez /. unde öle /.
 68va,5 daz unûzgeslagen ist /. unde allez
 68va,6 wiltbræte /. swer daz vürekoufet /
 68va,7 der ez anderstunt verkoufen
 68va,8 wile /. wirdet sîn der überreit / der ist
 68va,9 dem vogete schuldic vünf schillinge .
 68va,10 bringet ein ûzman rüebe /
 68va,11 her in die stat /. die sol er niuwan
 68va,12 verkoufen bî ganzen secken /.
 68va,13 unde niht mit dem metzen . swer
 68va,14 daz brichet daz er si einzehtîn
 68va,15 verkoufet / – ûz dem
 68va,16 sacke . ûz swelichem sacke er si
 68va,17 danne gât /. der sac sol des burcgrâven
 68va,18 sîn /. ob er daz gesetze
 68va,19 weiz . weiz aber er des gesetzes
 68va,20 niht / sô sol er bereden mit sînen
 68va,21 zwein vingern / daz er sîn niht
 68va,22 en wesse / unde sol dâ mit ledic sîn .

- 68va,23 // swelich man obez her in vüeret /
 68va,24 in die stat uf karren / oder uf
 68va,25 wegenen / ez sin biren / oder epfel /.
 68va,26 oder steinobez /. daz sol nieman
- 68vb,1 koufen / der ez anderstunt durch
 68vb,2 gewin verkoufen wile . ez sol der
 68vb,3 man selbe der ez da her in vüeret /.
 68vb,4 der sol ez selbe / mit dem metzen
 68vb,5 verkoufen /. unde mit dem halp
 68vb,6 metzen /. unde mit dem vierlinge /.
 68vb,7 unde koufet ez dar über ieman
 68vb,8 durch gewin / der ez anderstunt verkoufen
 68vb,9 wile / der ist dem burcgrâven
 68vb,10 schuldic vünf schillinge .
 68vb,11 // swer obez her vüeret âne stübiche /
 68vb,12 der sol daz verkoufen bi
 68vb,13 dem metzen /. bi dem halp metzen /.
 68vb,14 bi dem vierlinge /. aber stübiche
 68vb,15 mac mennegelich wole verkoufen /.
 68vb,16 unde koufen /. unde swelich gast
 68vb,17 ir niht samentkoufes verkoufen
 68vb,18 mac /. der sol daz obez einzehtin
 68vb,19 verkoufen .
- 69ra,1 swâ man
 69ra,2 unrehtiu geloete vindet /
 69ra,3 in eines mannes gewalt /. ez si ze swære /.
 69ra,4 oder ze ringe /. ist er ein
 69ra,5 unervarn man /. mac er danne
 69ra,6 daz bereden daz er keine geværde
 69ra,7 dar an wesse /. der ist da mit entbrosten
 69ra,8 ze den ziten . // wirdet aber
 69ra,9 ez ze dem andern mâle in sîner gewalt
 69ra,10 vunden /. unde mac daz der
 69ra,11 voget mit zwein burgærn hin ze im
 69ra,12 beweren . daz er ez ze dem andern
 69ra,13 mâle in sîner gewalt vunden habe /.
 69ra,14 sô sol er den valsch hin ze ime
 69ra,15 rihten / alsô daz er im die hant sol
 69ra,16 abe heizen slahen /. er ne gebe im
 69ra,17 danne zehen pfunt / nach genâden .
 69ra,18 ist er ein wirt . ist er ein kneht . sô
 69ra,19 ist er im schuldic vüre die hant /
 69ra,20 vünf pfunt nach genâden // wirdet
 69ra,21 ez aber ze dem dritten mâle / in sîner
 69ra,22 gewalt vunden / sô en hoeret niht

- 69ra,23 anders dâr zuo wan diu hant .
 69ra,24 // ez sol ouch der voget alliu jâr ze einem
 69ra,25 mâle / suochen unrehtiu geloete /
 69ra,26 unde sol der râtgeben viere / zuo im
- 69va,1 nemen / unde niht minner /. unde sol
 69va,2 ouch ein iegelich geloete / gemerket
 69va,3 sîn / mit dem helbelinge îsene /.
 69va,4 unde ûf swelichem geloete man
 69va,5 daz marc niht vindet / vürest
 69va,6 daz ez gekündet wirdet / der ist dem
 69va,7 vogete schuldic vünf schillinge .
 69va,8 pfenninge .
- 69vb,1 umbe unrehtiu schaf unde umbe
 69vb,2 unrechten metzen . alliu
 69vb,3 schaf / ez sîn kornschaft /
 69vb,4 oder wînschaft / diu hoerent den
 69vb,5 vogete an /. unde swaz klage dâr
 69vb,6 über kumet / daz sol der voget rihten /.
 69vb,7 unde sol si ouch alliu jâr ze
 69vb,8 einem mâle versuochen /. unde
 69vb,9 swâ man diu schaf vindet diu
 69vb,10 niht gereht sint /. dâ ist man dem
 69vb,11 vogete schuldic eines halben pfundes /
 69vb,12 wan ez weder golt noch silber
 69vb,13 ist . // unde swâ man unrehte
 69vb,14 metzen vindet /. dâ ist man dem
 69vb,15 burcgrâven schuldic / vünf schillinge /
 69vb,16 unde sol si der burcgrâve
 69vb,17 brennen / unde der voget rihten
 69vb,18 umbe den valsch .
- 70ra,1 der dem andern dröuwet an sînen
 70ra,2 lîp . oder an sîn guot . dröuwet ein
 70ra,3 man dem andern an sîn
 70ra,4 lîp / oder an sîn guot /. mac er es in
 70ra,5 bewern selp dritte als reht ist /.
 70ra,6 sô solen im der voget gewissen /. daz
 70ra,7 er unde diu stat sicher sîn lîbes / unde
 70ra,8 guotes / vore sîner drô /. unde als in der
 70ra,9 weibel ahte tage geheltet /. unde
 70ra,10 er des niht gewissen mac / oder
 70ra,11 en wile / sô sol in der voget dem selpscholn
 70ra,12 antworten /. unde sol in der
 70ra,13 gehalten unz an die zît /. daz er

70ra,14 im gewisset / daz er sicher sî lîbes
 70ra,15 unde guotes .
 70ra,16 daz kein – man sînen – mâge beschadigen

70rb,1 mac . âne daz in selben an
 70rb,2 gât . newær als her nâch geschriben stât .
 70rb,3 ez en sol kein man kein urteile
 70rb,4 sprechen / über sînen
 70rb,5 mâc / diu im an sînen lîp gât /. oder
 70rb,6 an sîniu êwerc / unz an die sibenden
 70rb,7 sippe / unde mac ouch niht geziuc
 70rb,8 sîn der dinge / diu im an sînen lîp /
 70rb,9 oder an sîniu êwerc gânt /.
 70rb,10 // swer des andern kint gehebet
 70rb,11 hât ûz der toufe /. der en kan weder
 70rb,12 dem / des kint er dâ gehebet hât /.
 70rb,13 noch dem / den er dâ gehebet hât / an
 70rb,14 sînen lîp gesprechen . noch an keiniu
 70rb,15 sîniu êwerc . tuot aber er im
 70rb,16 selber iht / ez sî mit dem tôtslage /.
 70rb,17 mit roube /. mit brande /. mit wundenne /
 70rb,18 mit diube /. mit gülte /. oder
 70rb,19 swelicher hande schulde daz ist . dâ
 70rb,20 mac er wole umbe klagen / ob er
 70rb,21 wile . wile aber er sîn niht tuon /. sô
 70rb,22 sô mac in der voget niht genoeten /
 70rb,23 umbe den schaden ze klagenne /.
 70rb,24 unde swâ ez im an den lîp gât / dâ
 70rb,25 mac in der voget niht genoeten /.
 70rb,26 swaz aber umbe gülte ist /. oder

70va,1 umbe eigen /. oder umbe lêhen /.
 70va,2 oder umbe lîpgedinge /. oder umbe
 70va,3 erbelêhen /. dâ mac er wole umbe
 70va,4 sprechen / oder geziuc sîn . swaz
 70va,5 aber den manne gât an sînen lîp /
 70va,6 oder an sîniu êwerc unde ein man
 70va,7 verziuhet / unde sich dâ mit wern
 70va,8 wile /. er sî sîn mâc /. oder sîn gevater /
 70va,9 oder sîn tote /. wile der des niht gelouben
 70va,10 der dâ klagær ist /. sô sol es
 70va,11 in dirre bewîsen mit sîneme eide /.
 70va,12 unde ist im dâ mit entbrosten .

70vb,1 man sol
 70vb,2 wizzen daz kein wirt sînen
 70vb,3 gast /. nihtes beklagen mac /

- 70vb,4 noch nihtes gein im geziuc sîn
 70vb,5 mac / daz im an sînen lîp / oder
 70vb,6 an sîn êre / oder an keiniu sîniu
 70vb,7 êwerc gât /. âne daz in selben an
 70vb,8 gât . ist aber daz ieman anders
 70vb,9 mit sîneme gaste / iht ze schaffenne
 70vb,10 hât / ez sî umbe köufe /. umbe
 70vb,11 gülte / umbe stätigunge /. des mac
 70vb,12 er wole klagær sîn unde geziuc .
- 71ra,1 swaz ein kint getuot /. daz ze
 71ra,2 sînen tagen niht komen
 71ra,3 ist daz sol nieman rihten / wan sîn
 71ra,4 vater / unde sîn muoter /. hât ez der
 71ra,5 dewederz / swer danne sîn reht
 71ra,6 pflegær ist / der sol ez rihten / in
 71ra,7 allen dem rehte / als ob ez vater / unde
 71ra,8 muoter wære /. unde sol daz wern /
 71ra,9 unz daz kint ze vünvzehen jâren
 71ra,10 kumet .
- 71rb,1 man sol ouch
 71rb,2 wizzen daz der æhtær / niendert
 71rb,3 keinen vride hât / weder hier /
 71rb,4 noch dort / vürest er in die æhte kumet ./
 71rb,5 unde mennegelich verboten wirdet ./
 71rb,6 wan als dâ vore in dem kapitel von
 71rb,7 der æhte geschriben stât ./
 71rb,8 daz der voget /
 71rb,9 driu vogetes dinc / in dem
 71rb,10 jâre ze rihtenne hât / über alliu
 71rb,11 dinc / als her nâch geschriben
 71rb,12 stât / der ist einez in dem meien / daz
 71rb,13 sol man gebieten nâch sancte Waltburge
 71rb,14 tage / an dem mæntage /. unde
 71rb,15 sol daz berüefen ein selpweibel in
 71rb,16 der stat /. unde dâr vore in allen gazzen .
 71rb,17 daz ander nâch sancte Michels tage /
 71rb,18 an dem næhesten mæntage . in allen
 71rb,19 dem rehte als daz vorder . daz
 71rb,20 dritte sol man ouch gebieten / an
 71rb,21 dem næhesten mæntage / nâch unser
- 71va,1 vrouwen tage ze lichtmesse /. in dem
 71va,2 selben rehte / als dâ vore geschriben
 71va,3 stât . unde swelich selpweibel / daz

71va,4 vogetes dinc selbe niht berüefet /.
 71va,5 der ist dem vogete schuldic eines
 71va,6 pfundes pfenninges /. unde verliuset
 71va,7 nieman dâ mit niht / der daz beziugen
 71va,8 mac selbe dritte /. daz ez der
 71va,9 selpweibel niht getân hât . wirdet
 71va,10 ouch kein klagær dâ von beschadiget
 71va,11 bringet er daz selbe dritte /
 71va,12 daz er versûmet hât von sînem
 71va,13 vüregbote / dem ist er schuldic sînen
 71va,14 schaden abe ze tuonne . unde swer
 71va,15 einen weibel bietet daz er im eteswem
 71va,16 vüre gebiete / umbe sweliche
 71va,17 sache daz ist / in vogetes dinge / unde
 71va,18 im des lônnet verwarlôset er in
 71va,19 dâr an /. sô sol er im sînen schaden
 71va,20 abe tuon / nâch genâden / unde lougenet
 71va,21 aber der weibel / sô sol er ez hin ze im
 71va,22 bringen selbe dritte / als reht ist .
 71va,23 // ez sol ouch ein voget ze der zît /
 71va,24 allermenneglich rihten hin ze allen burgærn /.
 71va,25 unde hin ze allen den / die eigen
 71va,26 hûs habent /. unde mac in ouch

71vb,1 wole vüre heizen gebieten /. ez sî
 71vb,2 umbe gülte / umbe eigen /. umbe
 71vb,3 lîpgedinge /. oder umbe sweliche sache
 71vb,4 daz ist /. âne die / in kôrhêrren hove /
 71vb,5 oder in der dienstmanne /. oder in der
 71vb,6 goteshiuser hove sitzent /. ez en
 71vb,7 wære danne als verre /. ob kein ire
 71vb,8 gesinde geschefte hânt / dâ von
 71vb,9 si stiurent den mac man wole in
 71vb,10 vogetes dinge / an der strâze vüre
 71vb,11 gebieten . swer ouch in dem dinge /
 71vb,12 vore dem vogete vunden wirdet /.
 71vb,13 er sî pfaffe /. dienstman /. ritter /.
 71vb,14 oder kneht /. oder gast /. den mac
 71vb,15 man wole beklagen vore dem vogete /.
 71vb,16 unde sol im der voget rihten . ez
 71vb,17 sol ouch ein voget rihten / alle sache
 71vb,18 die im ze klage koment . unde sol
 71vb,19 ouch den êrsten tac rihten ûf der
 71vb,20 pfalenze /. unde swenne daz dinc
 71vb,21 ûf der pfalenze verboten wirdet /
 71vb,22 swer danne dâ hin niht komen
 71vb,23 ist / unde dâr nâch dar kumet /. der ist
 71vb,24 dem vogete schuldic vünf schillinge

- 71vb,25 nâch genâden . den andern
 71vb,26 tac / ûf dem dinchûse /. unde den
- 72ra,1 dritten / unz mittentage /. unde swem
 72ra,2 vür geboten wirdet / unde niht vüre kumet /.
 72ra,3 wirdet der beziuet mit den weibeln /
 72ra,4 daz im vür geboten ist / als reht
 72ra,5 ist /. unde hât ouch ein vüregbot als
 72ra,6 guot reht als driu /. sô solen im der voget
 72ra,7 pfenden nâch mittentage /. unde ist
 72ra,8 dem vogete schuldic vüf schillinge
 72ra,9 nâch genâden . swer aber der drîer
 72ra,10 tage einez wettet / der sol biz an
 72ra,11 der mittewochen naht gewert hân /.
 72ra,12 tuot er des niht / sô solen im der voget
 72ra,13 pfenden / an dem donerstage vore
 72ra,14 mittes tages . unde ist dem vogete
 72ra,15 schuldic vüf schillinge nâch genâden .
 72ra,16 wettet aber ein dienstman /
 72ra,17 oder swer ein ûzman ist /.
 72ra,18 er sî pfaffe / oder leie /. wile des der
 72ra,19 klagær niht entbern /. er sol im gewisheit
 72ra,20 tuon /. wande sîn der voget
 72ra,21 vürebaz niht genoeten mac .
- 72va,1 swer ein eigen hier ze Augsburc
 72va,2 hât / jâr unde tac in nutze /
 72va,3 unde in gewer / âne rehte
 72va,4 widersprâche /. der bî im hier
 72va,5 ûf / unde nider gât /. unde ez niht
 72va,6 an sprichet /. er habe ez geerbet /
 72va,7 oder er sul ez erben /. volvert
 72va,8 der niht in drîn vogetes dingen /
 72va,9 mit sîner klage /. sô sol jener
 72va,10 mit sîneme eigene danne geruowet
 72va,11 sîn /. ez en sî danne als verre /.
 72va,12 daz jener vüre gerichte gê /. unde
 72va,13 bringe mit den dincliuten /
 72va,14 daz er ez inner jârs vrist / habe
 72va,15 geklaget /. in vogetes dinge mit
 72va,16 vüresprechen / unde daz man
 72va,17 im niht rihten wolte /. sô sol
 72va,18 im der rihtær rihten / als dirre
 72va,19 stat reht ist . // unde kumet
 72va,20 aber ein rehter erbe / der des
 72va,21 guotes rehter erbe ist . der in

- 72va,22 dem lande niht gewesen ist /
 72va,23 swie lange der ûzerhalben landes
 72va,24 ist gewesen /. dem sol man
 72va,25 umbe sîn erbe reht tuon /. als

 72vb,1 dirre stat reht ist . dem rehte
 72vb,2 ist alsô daz er berede daz er innerhalp
 72vb,3 landes niht en wære /. unde
 72vb,4 ouch niht en wesse / daz er geerbet
 72vb,5 hête /. unde dô er ez allrêrest
 72vb,6 vernæme /. daz er kæme sô er
 72vb,7 schierest mohte . // unde swer
 72vb,8 über zweinzic mîle ist von
 72vb,9 dirre stat /. der ist wole ûzerhalben
 72vb,10 landes // swer ein eigen hier
 72vb,11 ûf gît . ez sî wîp oder man / nâch
 72vb,12 dirre stete rehte /. wirdet ein lougen
 72vb,13 dâr ûz /. unde kumet daz ze klage
 72vb,14 vüre daz gerihte /. unde wirdet dâr
 72vb,15 umbe ein geziuc erteilt /. in
 72vb,16 sol nieman geziuc umbe sîn /
 72vb,17 wan einvaltige burgær /. unde
 72vb,18 niht ûzliute . // ist daz ein
 72vb,19 man / oder sîn hûsvrouwe / hier
 72vb,20 ze Augsburc stirbet /. unde lânt
 72vb,21 die eigen hinder in / ez sî lützel /
 72vb,22 oder vile / unde lânt erben ouch
 72vb,23 hinder in /. ez sîn süne / oder töhter /
 72vb,24 die sulen daz eigen haben /. ez en
 72vb,25 sî danne als verre / ob ieman
 72vb,26 kome /. er sî dâ ûze gesezzen /

 73ra,1 oder hinne /. in swelicher wîse der
 73ra,2 daz eigen danne an spræche ./
 73ra,3 sint diu kint danne ze ire tagen
 73ra,4 komen / ir sî einez oder mêr /. diu
 73ra,5 sulen vüre daz gerihte gân /. unde
 73ra,6 sulen bereden ze den heiligen / mit
 73ra,7 ir eines hant /. daz ez ire vater / unde
 73ra,8 ire muoter / haben brâht in rehter
 73ra,9 eigenes gewer / jâr unde tac / oder
 73ra,10 mêr / âne rehte widersprâche /
 73ra,11 nâch dirre stete rehte /. sô si danne
 73ra,12 daz beredent . sô hânt si behabet /
 73ra,13 unde gehoeret kein geziuc
 73ra,14 mêr dâr über // sint
 73ra,15 aber diu kint ze ire tagen niht

- 73ra,16 komen /. swer danne der kinde
 73ra,17 pflegær ist /. der sol vüre den rihtær
 73ra,18 gân / unde sol bereden selbe
 73ra,19 dritte ze den heiligen / daz der kinde
 73ra,20 vater / unde muoter / daz eigen
 73ra,21 dâr brâht haben / in nutze / unde
 73ra,22 in gewer / jâr unde tac / oder mêr
 73ra,23 als dirre stat recht ist /. unde als
 73ra,24 er daz getuot /. dâ mit hât er den
 73ra,25 kinden ire eigen behabet daz
 73ra,26 ist recht . // ist daz zwei gemechede
- 73rb,1 sterbent / die êliute sint
 73rb,2 unde lânt eigen / oder erbeguot /
 73rb,3 hinder in /. unde lânt ouch kint /
 73rb,4 diu ze ire tagen niht komen sint /.
 73rb,5 unde hânt diu kint pflegære
 73rb,6 diu ire guotes pflegent /. unde
 73rb,7 werdent die pflegær / den kinden
 73rb,8 ire guot ane / ê daz si ze ire tagen
 73rb,9 komen sîn /. als danne diu kint
 73rb,10 ze ire tagen komen sint /. sprechent
 73rb,11 si danne nâch ire guote / swer daz
 73rb,12 hât /. sô sulen si vüre den rihtær varn /
 73rb,13 unde sulen nâch ire guote klagen /.
 73rb,14 unde nâch ire erbe . sô ist danne
 73rb,15 recht /. mügen si erziugen selbe
 73rb,16 dritte / mit ire mâgen / oder mit
 73rb,17 andern biderben liuten / die ez
 73rb,18 wârz wizzen /. daz si ze ire tagen
 73rb,19 niht komen wâren / ze den zîten /
 73rb,20 dô in ire pflegær / ire guot ane wart /
 73rb,21 als si daz erziugent / sô sol in der
 73rb,22 rihtær ire guot wider antwûrten /
 73rb,23 âne schaden /. ez en sî danne als
 73rb,24 verre / daz si der pflegær müge bewîsen /
 73rb,25 ob ein gülte dâr sî komen /
 73rb,26 von ire vater / oder von ire muoter /.
- 73va,1 mac er si / des bewîsen mit sîneme
 73va,2 eide /. swes er si danne bewîset
 73va,3 des ist er ledic . // ist aber daz
 73va,4 ein gülte dâr ist komen / von
 73va,5 den kinden / daz rehtiu gülte heizet /
 73va,6 unde durch der kinde rehte
 73va,7 nôt gegeben hât / mac er si des
 73va,8 bewîsen / mit sînem eide /. swes

- 73va,9 er si danne bewîset mit sînem
 73va,10 eide / des ist er schône ledic /. unde
 73va,11 sol si ouch bewîsen / wâ diu gûlte
 73va,12 hin sî komen / in ze bezzerunge .
 73va,13 // ist aber daz der pflegær / den
 73va,14 kinden guot ane wirdet /. unde in
 73va,15 daz ane leit durch bezzerunge
 73va,16 an ander guot /. mac er si des guotes
 73va,17 bewîsen / daz er wider jenem
 73va,18 guote hât gewonnen / sô ist er des
 73va,19 guotes / des er den kinden was
 73va,20 ane worden ouch ledic . // wære
 73va,21 aber daz der pflegær daz guot
 73va,22 an leite / sô er bezziste konde unde
 73va,23 mohte /. unde die pfenninge
 73va,24 verloren wurden âne geværde / mac
 73va,25 er daz bereden mit sîn eines hant /
 73va,26 sô ist er den kinden aber entbrosten
- 73vb,1 mac er der keinez getuon /. sô sulen
 73vb,2 sich diu kint zuo ire guote ziehen /.
 73vb,3 unde sol sich jener gehalten an
 73vb,4 sînen gewern /. der sîne pfenninge
 73vb,5 dâr umbe in genomen
 73vb,6 hât . // swâ zwei gemechede
 73vb,7 sterbent die êliute sint /. lâzent
 73vb,8 diu kint / ir sî lützel / oder vile /. unde
 73vb,9 sint diu alliu ûz gehîstiuret / unde
 73vb,10 stirbet der gewistergîde einez /
 73vb,11 oder zwei /. sô erbent diu andern
 73vb,12 gewistergîde / unde diu eninkelen
 73vb,13 niht daz ist reht . // ist daz ein
 73vb,14 vrouwe stirbet / unde lât ire wirte
 73vb,15 varnte guot / eigen / oder lêhen /
 73vb,16 mit dem varnten guote / unde
 73vb,17 mit den lêhene / mac er wole tuon
 73vb,18 gein sînen kinden / als in sîn
 73vb,19 triuwe lêret /. unde er sînen kinden
 73vb,20 gebunden ist /. wan ez hin ze
 73vb,21 sînen triuwen stât . // ist daz
 73vb,22 zwei gemechede / kint mit einander
 73vb,23 hânt /. unde daz der einez
 73vb,24 stirbet / ist daz diu vrouwe / unde
 73vb,25 lât ire wirte kint unde arbeit ./
 73vb,26 wile der vürebaz sîn dinc niht
- 74ra,1 verendern mit keiner ê /. hât

74ra,2 er niht varntes guotes /. dâ mit
 74ra,3 er sich / unde sîniu kint gevüeren /
 74ra,4 unde gehelfen müge /. unde hât
 74ra,5 eigen / des mac er den kinden
 74ra,6 niht ane werden / âne gemeiner
 74ra,7 vriunde rât /. die sülen den kinden hinedane
 74ra,8 scheiden / daz si von ire eigene
 74ra,9 iht gescheiden werden . unde
 74ra,10 swaz im danne gevalle / daz er
 74ra,11 sich dâ mit begê sô er bezziste
 74ra,12 müge . swenne ouch daz alsô
 74ra,13 vüre sich kumet / mit der bescheidenheit
 74ra,14 als dâ vore geschriben
 74ra,15 stât /. daz daz eigen alsô verkoufet
 74ra,16 wirdet / mit vriunde râte /. dâ mac
 74ra,17 man der stat hantveste wole übergeben /
 74ra,18 dem / der ez dâ gekoufet hât ./
 74ra,19 unde mügent ouch diu kint niht
 74ra,20 mêt / dâr nâch gesprechen /. wan
 74ra,21 si dâ von gescheiden sint mit
 74ra,22 vriunde râte . // wær aber daz
 74ra,23 der vater / dâr über stürbe . unde
 74ra,24 er sîn dinc niht verendert /
 74ra,25 hête swaz des guotes dannoch .
 74ra,26 dâ wære / daz solten diu kint

74rb,1 erben . sturben aber diu kint /
 74rb,2 êr si ire dinc verenderten / sô sol
 74rb,3 ez der vater wider erben . man
 74rb,4 sol ouch wizzen / daz der vater niht
 74rb,5 geerben mac /. ez en sîn diu kint
 74rb,6 alliu tôt . wande ein gewistergîde
 74rb,7 ûf daz ander erbet / vürest daz si
 74rb,8 von dem vater gescheiden werdent .
 74rb,9 // ist daz einem manne sîn wirtinne
 74rb,10 stirbet / unde im kint lât /. unde
 74rb,11 daz der sîn dinc verendert
 74rb,12 mit der ê /. der mac mit sînem
 74rb,13 varnten guote / unde mit sînen lêhenen /
 74rb,14 wole tuon gein der vrouwen als
 74rb,15 in sîn triuwe lêrt gein den êrren
 74rb,16 kinden . ist aber eigen dâ / oder
 74rb,17 erbeguot /. oder zinslêhen / dâ mac
 74rb,18 er den êrren kinden / keinen
 74rb,19 schaden vürebaz ane getuon . wante
 74rb,20 mit gemeiner vriunde râte durch
 74rb,21 kein sîn nôtdurft // hât ein
 74rb,22 man wîp unde kint / unde varnte

74rb,23 guot /. unde eigen / unde lêhen /. oder
 74rb,24 ander guot /. unde der kinde einz
 74rb,25 oder zwei / ûz gehîstiuret hât unde
 74rb,26 der gemechede einz stirbet /. ist daz

74va,1 diu vrouwe /. sô mac der man mit
 74va,2 dem varnten guote / unde mit den
 74va,3 lêhenen wole tuon / als in sîn triuwe lêrt /
 74va,4 gein den êrren kinden . ist aber
 74va,5 eigen dâr unde erbelêhen / unde
 74va,6 zinslêhen / dâ mac er niht mit getuon /
 74va,7 âne der kinde rât /. unde mit
 74va,8 gemeiner vriunde râte // swâ
 74va,9 zwei gemechede sint unde der
 74va,10 einz en ist /. unde dem andern kint
 74va,11 unde arbeite lât /. unde diu kint
 74va,12 niht geborener vriunde hânt . der
 74va,13 vater mac den kinden / weder eigen /
 74va,14 noch erbeguoet / noch erbelêhen /
 74va,15 noch zinslêhen / niht ane werden /.
 74va,16 si ne wæren danne ze ire tagen komen /
 74va,17 daz ez mit ire willen geschæhe
 74va,18 // swelich vater ez dâr über tuot . daz
 74va,19 hât keine kraft . unde swenne
 74va,20 diu kint ze ire tagen koment /. sô
 74va,21 sprechent si mit rehte wole dâr nâch
 74va,22 // ist ouch daz einer vrouwen ire wirt
 74va,23 sterbe / als dâ vore geschriben stât /
 74va,24 umbe den man unde lât ir der
 74va,25 kint daz sîn süne oder töhter /.
 74va,26 unde lât ir unde ire kinden varnte

74vb,1 guot /. eigen /. erbeguoet /. erbelêhen /.
 74vb,2 oder zinslêhen . ist daz diu vrouwe
 74vb,3 niht mannes nemen wile /. unde
 74vb,4 ein witewe sîn wile / diu mac wole
 74vb,5 irere kinde getriuwer pflægær sîn /.
 74vb,6 an allen dem guote als dâ vore geschriben
 74vb,7 stât /. ez en wære danne
 74vb,8 als verre / daz si in den witzten niht
 74vb,9 wære / noch in der bescheidenheit /
 74vb,10 dâ von si unde iriu kint verderben
 74vb,11 mohten /. sô habent ir beider
 74vb,12 vriunde den gewalt / wole mit rehte /
 74vb,13 daz si des guotes mit ir pflügen /
 74vb,14 sulen / den kinden unde ir selben /
 74vb,15 alsô / daz man ir ire rehten nôtdurft /

74vb,16 dâ von gebe als bescheidenlîchen /
 74vb,17 daz diu kint dâ von iht verderben /.
 74vb,18 unde ouch dâr nâch unde
 74vb,19 des guotes sî /. ez en wære danne
 74vb,20 als verre / daz ez mit rehtem gedingede
 74vb,21 dâ hin komen wære / dâ
 74vb,22 si sich gesameneten mit der ê /. swaz
 74vb,23 ir dô geheizen wart /. waz man
 74vb,24 ir sînes guotes geben solte /. ob si in
 74vb,25 überlebete / mac si daz bringen
 74vb,26 mit hantvesten ob si si hât /. daz

75ra,1 sol stæte sîn . hât si der niht sô
 75ra,2 sol si ez bringen selbe sibende
 75ra,3 mit êrbæren gemeinen vriunden
 75ra,4 die dâ bî wâren // ist ouch daz
 75ra,5 diu vrouwe witewe belîbet / unz
 75ra,6 an ire tôt /. unde bî ire gesundem
 75ra,7 lîbe / ire sêledinc schaffen wile
 75ra,8 diu mac wole bî ire gesundem lîbe /
 75ra,9 oder an dem tôtbette schaffen /
 75ra,10 unde geben / durch ire sêle willen /
 75ra,11 swaz si versnitenes gewandes hât /
 75ra,12 daz si an hoeret /. unde dâr zuo daz
 75ra,13 zehende teil ires varnten guotes /.
 75ra,14 ist aber varntes guotes dâ niht /
 75ra,15 sô hât si keinen gewalt / ander
 75ra,16 ire guot ze gebenne durch ire sêle
 75ra,17 willen / âne der erben wort .
 75ra,18 // wile aber diu vrouwe einen man
 75ra,19 nemen / dem mac si wole geben /
 75ra,20 daz dritteil ire varnten guotes /. unde
 75ra,21 daz dritteil gûlte /. an eigene /. an
 75ra,22 erbeguote /. an erbelêhene /. an zinslêhene /.
 75ra,23 daz daz ire wirt mit ir nieze /
 75ra,24 die wîle si lebet /. unde als si en ist /
 75ra,25 sô vellet daz eigen /. unde erbeguot /.
 75ra,26 daz erbelêhen / unde daz zinslêhen /

75rb,1 iriu kint wider an // wolte
 75rb,2 aber si sich begeben in ein klôster /
 75rb,3 sô mac si in daz klôster wole geben /
 75rb,4 daz dritteil ire varnten guotes / unde
 75rb,5 niht mêr /. ez en wære danne als
 75rb,6 verre / ob varntes guotes dâ niht
 75rb,7 wære /. unde koemen danne ire gemeine
 75rb,8 vriunde ihtes übereine /

75rb,9 daz man ir hülfe in daz klôster /.
 75rb,10 daz hête wole kraft /. wande si von
 75rb,11 ir selber keinen gewalt hât / âne
 75rb,12 gemeiner vriunde rât . unde vürest
 75rb,13 si alsô von den kinden gescheiden
 75rb,14 wirdet . sô hât si mit der kinde
 75rb,15 teile daz in dâ gevallen ist / niht ze
 75rb,16 schaffenne /. ez sî varnte guot /. eigen /.
 75rb,17 oder lêhen /. ez en wære danne als
 75rb,18 verre . daz diu kint vervüeren /. êr
 75rb,19 diu vrouwe /. âne geschefte unde âne
 75rb,20 erben . // ist ouch daz diu kint
 75rb,21 die muoter überlebent /. unde hât
 75rb,22 si mit ire teile dannoch nihtesniht
 75rb,23 getân / noch verendert . sô
 75rb,24 erbent diu kint ire guot . daz selbe
 75rb,25 reht hât diu muoter hin ze den
 75rb,26 kinden /. ist daz si iriu kint überlebet /

75va,1 unde hânt sich diu kint
 75va,2 niht verendert mit hîliche / oder
 75va,3 mit andern dingen / dâ mit si von
 75va,4 ire muoter gescheiden sint . unde
 75va,5 daz mit ire guote niht geschehen
 75va,6 ist /. sô erbet si ire kinde guot daz
 75va,7 ist reht . // ist aber daz ein burgær /
 75va,8 dem andern eigen gît hier in
 75va,9 der stat /. oder swer ez dem andern
 75va,10 gît / der sol im daz stæten jâr unde
 75va,11 tac / âne rehte widersprâche . ez
 75va,12 en sî danne als verre / ob ieman
 75va,13 inne an landes niht en sî / der mit
 75va,14 rehte nâch dem eigene gesprechen
 75va,15 müge /. dâ sol er im ouch stætigunge
 75va,16 vüre tuon /. wan jener in dem
 75va,17 lande niht gewesen ist // gît
 75va,18 aber ieman dem andern ein eigen
 75va,19 ze koufenne / ûf dem lande /
 75va,20 oder ûzerhalben der stat /. der sol im
 75va,21 daz stæten / nâch des landes rehte /.
 75va,22 daz sint zehen jâr /. unde sol im
 75va,23 gewisheit dâr umbe tuon / ob er
 75va,24 in niht gewis dunket . // swâ
 75va,25 aber ein man dem andern / eigen
 75va,26 gît hier ze der stat /. ez sîn gemûretiu

75vb,1 hiuser / oder hülzîniu /. oder garten /. oder

75vb,2 stedel /. in swelichem rehte er im daz
 75vb,3 gît . dâ sol der . der ez dâ gekoufet hât ./
 75vb,4 sînen nâhesten nâchgebûren sagen /
 75vb,5 iewederthalp sin /. unde sol
 75vb,6 in sagen “daz guot ist mir alsô gegeben /.
 75vb,7 ez sî mûr /. oder want . nuoschstate
 75vb,8 zûne oder tülle . habet ir dâr
 75vb,9 an iht ze sprechene /. daz tuot inner
 75vb,10 jârs vrist als man mit ez stâten
 75vb,11 sol .” tuot des jener dâr über niht /
 75vb,12 swer der nâchgebûr ist /. unde hât
 75vb,13 ez der . der ez dâ gekoufet hât in rechter
 75vb,14 gewer âne rehte widersprâche /
 75vb,15 jâr unde tac /. sô sol er der stete
 75vb,16 hantveste dâr über nemen /. unde
 75vb,17 mac in noch en sol . nieman vûrebaz
 75vb,18 dâr an geirren // swâ zwei
 75vb,19 êliute sich gesamenent / mit vriunde
 75vb,20 râte / unde gît man den beiden
 75vb,21 eigen /. oder niuwan dem einem /
 75vb,22 mit nutze unde mit gewer /. oder
 75vb,23 gewinnet si mêt eigenes / mit
 75vb,24 einander . mit dem eigene allem /
 75vb,25 mûgent si wole tuon swaz si wellent /
 75vb,26 die wîle si lebent /. ez en sî danne

76ra,1 ob si erben hânt / unde gein den iht
 76ra,2 getân hânt /. des mûgent si niht
 76ra,3 geendern / âne der erben willen .
 76ra,4 hânt aber si niht erben / sô tuont
 76ra,5 si wole dâ mit / swaz si wellent die wîle
 76ra,6 si lebent /. daz in nütze unde
 76ra,7 guot ist // stirbet aber der gemechede
 76ra,8 einez / âne kint / swederz
 76ra,9 daz ist . unde âne geschefte /
 76ra,10 sô mac daz ander mit dem eigene
 76ra,11 daz von ire ieweders vordern
 76ra,12 dar ist komen niht getuon . wan
 76ra,13 ze sîneme lîbe . unde mit der erben
 76ra,14 willen von der vordern ez dar
 76ra,15 ist komen . wande niht kinde
 76ra,16 dâ ist . ez en sî danne als verre
 76ra,17 daz ez nôtdurft dâr zuo trîbe
 76ra,18 oder getriben habe /. daz ez des
 76ra,19 guotes iht âne worden sî oder âne
 76ra,20 werde . swer daz guot alsô gewinnen
 76ra,21 hât . mac der daz bringen

- 76ra,22 mit hantvesten den en sol
 76ra,23 noch en mac mit rehte dâr an
 76ra,24 nieman vürebaz irren . // gewinnent
 76ra,25 aber si eigen mit
 76ra,26 einander âne daz eigen daz
- 76rb,1 von ire vordern in gegeben ist . dâ
 76rb,2 tuot ir iewederz wole mit swaz
 76rb,3 ez wile . unde en mac noch en sol
 76rb,4 ez nieman dâr an irren // swâ
 76rb,5 zwei gemechede sterbent . unde
 76rb,6 lazzent diu kint swie vile der ist
 76rb,7 unde sint alliu ûz gehîstiuret . unde
 76rb,8 stirbet der gewistergîde einez oder
 76rb,9 zwei . sô erbent diu andern gewistergîde .
 76rb,10 unde diu eninkelîn
 76rb,11 niht daz ist reht . // ist aber daz
 76rb,12 diu gewistergîde alliu sterbent
 76rb,13 diu von vater unde von muoter
 76rb,14 rehtiu gewistergîde sint . sô erbent
 76rb,15 diu eninkelîn alliu gelîche .
 76rb,16 ist aber daz niht eninkelîne dâ ist
 76rb,17 sô sulen aber erben die næhesten
 76rb,18 erben die durh reht erben sulen .
 76rb,19 hât ein man ein eigen daz
 76rb,20 ze burcrehte lît . wolte im des jener
 76rb,21 lougenen der daz burcreht dâ inne nimet .
 76rb,22 sô sol dirre sîn eigen behaben mit
 76rb,23 sînen zwein vingern . spreche
 76rb,24 aber der hêrre daz im dirre des burcrehtes
 76rb,25 iht gegeben hête . dâ sol man
 76rb,26 des hêrren beredunge umbe nemen
- 76va,1 er ne beziuge in danne selbe dritte
 76va,2 daz er daz burcreht von im genomen
 76va,3 habe .
- 77va,1 ditz ist von dem erbeguote .
 77va,2 welt ir nû wizzen waz erbeguot
 77va,3 ist . daz ist eigen [!!]
 77va,4 in der stat . daz ist eigen ûf dem
 77va,5 lande . daz sint alliu zinslêhen .
 77va,6 daz ist allez verworhtez golt .
 77va,7 unde verworhtez silber . daz
 77va,8 sint kôpfe . nepfe . unde schüzzel .
 77va,9 schapel unde vürespan . vingerlîn

- 77va,10 unde gürtel . unde allez versniten
 77va,11 gewant . daz sî sîdîn oder wüllîn . oder
 77va,12 lînîn . daz sint scharlachenes
 77va,13 mendel . rocke . unde suckenê .
 77va,14 unde swaz von einvarwem gewande
 77va,15 ist . daz sint vêhe suckenê .
 77va,16 vêhe kürsen . oder bellîze . unde
 77va,17 vûhsîn bellîze . unde leंबरîn . unde
 77va,18 alle tische . unde alle taveln . unde
 77va,19 tischlachen unde hantweheln .
 77va,20 unde hantvaz unde becken . unde
 77va,21 kulter unde lînlachen . unde alliu
 77va,22 vederwât . kezzel unde pfande .
 77va,23 êrîn hevene . unde swaz von êre
 77va,24 oder von kupfer . oder von îsene .
 77va,25 oder von blîwe . oder von zine gemacht
 77va,26 ist . daz ist allez erbeguot .
- 77vb,1 unde allez harnasch . halsberge
 77vb,2 unde hosen . schinier . panzier . gurte .
 77vb,3 blaten . îsenhüete . armbrust .
 77vb,4 ketenwambîs . spieze . unde
 77vb,5 bogen . spanbanke . unde kocher .
 77vb,6 unde allez geschützedede . daz ist
 77vb,7 allez erbeguot . daz erbeguot als
 77vb,8 dâ vore geschriben stât . daz sulen
 77vb,9 erben süne unde töhter . die von
 77vb,10 vater unde von muoter rehtiu geswistergîde
 77vb,11 sint . âne harnasche .
 77vb,12 unde âne swert . unde âne geschütze .
 77vb,13 daz erbent die süne voreûz .
 77vb,14 // wære aber daz vater unde muoter
 77vb,15 sturben beidiu âne kint . sô sulen
 77vb,16 daz guot erben iemer die nâhesten
 77vb,17 erben unz an die sibenden
 77vb,18 sippe . // sint aber zwei êliute
 77vb,19 bî einander unde sterbent beidiu
 77vb,20 âne kint . swaz den manne an gevallen
 77vb,21 ist erbeguates . von vater
 77vb,22 von muoter . oder von andern sînen
 77vb,23 mâgen daz vellet hin wider
 77vb,24 an sînen nâhesten mâc . ob er
 77vb,25 mit dem guote vore niht hât getân .
 77vb,26 unde ez dannoch unverwandelt
- 78ra,1 ist . daz selbe reht hât diu
 78ra,2 vrouwe unde ire mâge . als dâ vore

78ra,3 geschriben stât // stirbet einem
 78ra,4 manne sîn hûsvrouwe . oder
 78ra,5 einer vrouwen ire wirt . unde hânt
 78ra,6 diu kint unde lânt den eigen .
 78ra,7 erbelêhen . zinslêhen . unde
 78ra,8 niht varntes guotes . der dewederz
 78ra,9 mac den kinden keinen schaden
 78ra,10 an dem vore genanten guote
 78ra,11 getuon . swederz sîn dinc verendern
 78ra,12 wolte mit der . ê . oder durch
 78ra,13 nôtdurft ire líbes . oder sust wolte
 78ra,14 ane werden . wante mit gemeiner
 78ra,15 vriunde râte ob si dâ sint .
 78ra,16 sint si dâ niht . dainoch mac ir
 78ra,17 dewederz niht getuon âne mit
 78ra,18 der râtgeben râte die ze den
 78ra,19 zîten râtgeben sint . unde swenne
 78ra,20 ouch daz alsô geschihet . sô
 78ra,21 mûgent die râtgeben der stete
 78ra,22 hantveste wole dâr über geben . unde
 78ra,23 swaz danne dâr an geschriben
 78ra,24 wirdet . daz sol stæte sîn // ist
 78ra,25 daz sich zwei êliute gesamenent
 78ra,26 unde stirbet der einez swederz daz

 78rb,1 ist . unde lât dem andern kint .
 78rb,2 sint diu kint ze ire tagen komen
 78rb,3 unde sprechent nâch sô getânem erbeguote
 78rb,4 daz in ire vater gelâzen
 78rb,5 hât . oder ire muoter . daz sîn bette
 78rb,6 kezzel . oder heven . oder swaz
 78rb,7 erbeguotes ist als dâ vore geschriben
 78rb,8 stât . daz sol der vater oder
 78rb,9 diu muoter gegenen waz daz sî . unde
 78rb,10 sol man den erben daz gewis tuon .
 78rb,11 daz des guotes den kinden unde
 78rb,12 den erben iht minner werde .
 78rb,13 die wîle vater oder muoter lebet .
 78rb,14 // wæren aber diu kint ze ire tagen
 78rb,15 niht komen swer danne der
 78rb,16 kinde pflegær ist . oder ire næhester
 78rb,17 mâc der mac daz mit rehte wole
 78rb,18 vordern // ist ouch daz zwei êliute
 78rb,19 sich gesamenent . unde einez stirbet
 78rb,20 unde lât dem andern kint .
 78rb,21 ist den kinden eteslîchen geholfen
 78rb,22 unde eteslîchen niht . den dâ
 78rb,23 geholfen ist . diu en mûgent diu

- 78rb,24 andern nihtes geirren den dâ
78rb,25 niht geholfen ist . ist eigen dâ des
78rb,26 mügent diu kint den dâ geholfen
- 78va,1 ist . vateres oder muoter niht geirren .
78va,2 er ne helfe den kinden mit
78va,3 dem eigene . vüeget aber im daz .
78va,4 daz er den kinden mit pfenningen
78va,5 baz gehelfen mac danne
78va,6 mit dem eigene . wande man des
78va,7 eigenes danne niht wole geteilen
78va,8 mac . sô mac er daz eigen wole hin
78va,9 geben unde den kinden dâ mit
78va,10 helfen nâch vriunde râte . ist ouch
78va,11 daz niht anders guotes dâ ist wante
78va,12 daz selbe eigen als dâ vore geschriben
78va,13 ist . sô mac der vater oder
78va,14 diu muoter daz eigen wole verkoufen
78va,15 nâch vriunde râte . unde nimet
78va,16 sînen gelîchen teil mit den kinden
78va,17 alsô daz im als vile werde als ieglichem
78va,18 kinde // ist ouch daz . daz
78va,19 kint sint den vater unde muoter
78va,20 stirbet . unde eineme geholfen ist .
78va,21 unde dem andern niht . swaz der
78va,22 kinde ist den dannoch ungeholfen
78va,23 ist . den sol als vile werden als den
78va,24 den dâ geholfen ist . ob ez dâ ist .
78va,25 dunket aber jeniu kint den dâ geholfen
78va,26 ist daz mêr dâ sî danne in
- 78vb,1 worden sî . wellent diu ire teil hin
78vb,2 zuo legen . sô sulen si gelîche mit einander
78vb,3 teilen // wær aber daz
78vb,4 under den kinden den dâ vore geholfen
78vb,5 ist . daz der einem mêr wære
78vb,6 worden danne dem andern swelichem
78vb,7 dâ minner ist worden wile
78vb,8 daz sînen teil zuo disen kinden
78vb,9 legen daz mac ez wole tuon . unde
78vb,10 sulen danne gelîche mit einander
78vb,11 teilen . ez en sî danne als verre . daz
78vb,12 mit gedingede vore eteswaz dâ mit
78vb,13 getân sî . mac man daz bringen
78vb,14 mit brieven oder mit geziugen
78vb,15 swaz die sagent daz sol danne
78vb,16 stæte sîn . swer mêr von erbeguote /

78vb,17 bedürfe /. der suoche / dâ vore
 78vb,18 in dem næhesten kapitel von
 78vb,19 dem eigene . ist ouch daz sich
 78vb,20 zwei êgemechide gesamenent
 78vb,21 mit der . ê . hât daz eine danne
 78vb,22 guot daz ez geerbet hât von sînen
 78vb,23 vordern . ez sî eigen . lêhen .
 78vb,24 oder swelicher hande guot daz ist .
 78vb,25 unde gît ez daz sîneme gemechede .
 78vb,26 sô sol ez sîn sîn . unde ist ouch

79ra,1 daz . daz ez stirbet âne erben .
 79ra,2 sô sol daz guot daz ander gemechede
 79ra,3 erben . unde sol niht wider
 79ra,4 hinder sich vallen . wan ez disem
 79ra,5 gemechede gegeben ist . dâ von
 79ra,6 sol ez sîn sîn . unde sol nieman anders
 79ra,7 kein reht dâr an haben .

79va,1 erbelêhen ist alsô . hât ein
 79va,2 man eigen ûzerhalb der stat .
 79va,3 des er niht genôz ist noch sîniu
 79va,4 kint . ob daz eigen von hêrren
 79va,5 dar ist komen . oder von eineme
 79va,6 goteshûse . daz eigen mac er wole
 79va,7 machen mit des hêrren râte oder
 79va,8 mit des goteshûses von dem ez komen
 79va,9 ist ze eineme erbelêhene im unde
 79va,10 sînen kinden . sînen unde tœhtern .
 79va,11 unde allen sînen erben . unde sol
 79va,12 ouch daz tuon mit brieven unde
 79va,13 mit hantvesten . wande sô mac
 79va,14 si nieman dâr an geirren // hât
 79va,15 ouch ein man lêhen unde hât
 79va,16 niht lêhenes erben . unde hât daz
 79va,17 lêhen von eineme hêrren des eigen
 79va,18 daz selbe lêhen ist . der mac daz
 79va,19 lêhen wole ze eineme erbelêhene machen .
 79va,20 im unde allen sînen nâchkomenen
 79va,21 mit des hêrren willen . unde
 79va,22 mit sîner hant . // ist aber ez
 79va,23 des hêrren eigen niht von dem
 79va,24 er ez ze lêhene hât sô mac er ez
 79va,25 niht ze erbelêhene gemachen .

79vb,1 wan mit des hêrren hant von dem

79vb,2 daz lêhen des êrsten komen ist .
 79vb,3 unde des diu eigenschaft ist . mit
 79vb,4 dem mac er ez wole ze eineme erbelêhene
 79vb,5 machen . unde sol ouch dâr über
 79vb,6 brieve unde hantveste nemen . sô
 79vb,7 mac in nieman dâr an niht geirren .

80ra,1 hât ein man ein eigen des er
 80ra,2 unde sîne erben niht genôz sint .
 80ra,3 swâ daz eigen hin gehoeret . daz sî an
 80ra,4 hêrren oder an goteshiuser . daz
 80ra,5 mac er wole ze eineme zinslêhene
 80ra,6 machen mit des hêrren willen .
 80ra,7 oder mit des goteshûses des diu
 80ra,8 eigenschaft ist . unde sol sich daz
 80ra,9 selbe guot umbe den selben zins
 80ra,10 niht vervallen . ê daz driu ganziu
 80ra,11 jâr hin koment . lougenet
 80ra,12 aber im der hêrre . daz er im des
 80ra,13 zinses iht gegeben habe . daz sol
 80ra,14 er bereden mit sînen zwein vingern
 80ra,15 daz er im den zins gegeben
 80ra,16 habe oder sînem gewissen boten
 80ra,17 unde sol er dâ mit ledic sîn .
 80ra,18 // hât ein man lîpgedinge
 80ra,19 von eineme goteshûse . oder von
 80ra,20 eineme hêrren des daz eigen ist .
 80ra,21 der mac ez wole ze eineme zinslêhene
 80ra,22 machen mit des goteshûses hant
 80ra,23 oder mit des hêrren . im unde sînen
 80ra,24 nâchkomenen . unde mac sich
 80ra,25 daz niht vervallen wan als dâ

80rb,1 vore geschriben stât .

80va,1 swâ ein man
 80va,2 den andern an sprichet vore
 80va,3 dem vogete umbe sîn lêhen . unde
 80va,4 si des beide jehent von eineme hêrren .
 80va,5 oder von zwein . des sol in der
 80va,6 voget tac geben vüre die hêrren .
 80va,7 unde swelicher in nutze unde in
 80va,8 gewer sitzet . den sol der voget
 80va,9 schirmen unze daz si gerehtent
 80va,10 vore den hêrren . unde sol in ouch
 80va,11 der hêrre tac geben âne geværde

- 80va,12 ûf des rîches strâze . unde sol si ouch
 80va,13 beide beleiten . si unde swer mit in
 80va,14 rîtet oder gât . dâr unde dannen
 80va,15 âne schaden . tæte des der hêrre
 80va,16 niht . sô sol der voget den schirmen
 80va,17 der in der gewer dâ sitzet unze an
 80va,18 den tac . daz ir eintwederer gewinnet
 80va,19 oder verliuset mit rehte .
 80va,20 wære aber daz zwêne hêrren
 80va,21 mit einander kriegten umbe
 80va,22 ein manlêhen oder sust umbe
 80va,23 ein ander guot . hât daz ir einer
 80va,24 oder si beide iemanne gelihen
 80va,25 ze lêhene oder ze lîpgedinge

 80vb,1 der sol dâ mit sitzen geruochlîchen
 80vb,2 unz daz die hêrren
 80vb,3 sich umbe daz guot mit einander
 80vb,4 verrihtent . wer ez lîhen
 80vb,5 sule . unde sol der voget
 80vb,6 den schirmen der dâ in nutze
 80vb,7 unde in gewer sitzet unz
 80vb,8 an den tac daz die hêrren
 80vb,9 mit einander gerehtent .
 80vb,10 unde swâ ez danne mit rehte
 80vb,11 hine gevellet von dem
 80vb,12 sol ez der danne haben der dâ
 80vb,13 in nutze unde in gewer sitzet
 80vb,14 [!!] hât ein man ein lêhen von
 80vb,15 eineme hêrren . stürbe der hêrre âne
 80vb,16 lêhenes erben . von swem der hêrre
 80vb,17 daz lêhen hête an den sol ez dirre
 80vb,18 vordern . unde sol er ez im ouch lîhen .
 80vb,19 lîhet er im daz . sô sol er sitzen in
 80vb,20 nutze und in gewer . unde in stiller
 80vb,21 gewer . ez en wære danne ob in der
 80vb,22 hêrre an ieman wîste von dem
 80vb,23 er ez durh reht haben solte . der sol ez
 80vb,24 im danne lîhen âne schaden . unde
 80vb,25 sol im daz an keineme sîneme rehte
 80vb,26 niht schaden . ez en mac ouch
 80vb,27 kein hêrre sînem manne sînen hêrren
 80vb,28 genidern .

 81ra,1 swer lîpgedinge lîhet ez
 81ra,2 sîn hêrren oder ander liute .
 81ra,3 swelich hant daz entwâhet . unde

81ra,4 nutz unde gewer dâr an hât . unde
 81ra,5 wile im des sîn hoveherre lougenen .
 81ra,6 daz sî gestanten lange oder kurze .
 81ra,7 der sol dar gân unde sol bereden
 81ra,8 mit sînen zwein vingern . daz
 81ra,9 er dâr an habe nutz unde gewer .
 81ra,10 unde hât sîn lîpgedinge behebet
 81ra,11 nâch dirre stat rehte . ez lige vore
 81ra,12 der stat oder dâr inne . // ist ouch
 81ra,13 daz der stirbet der daz lîpgedinge
 81ra,14 in nutze unde in gewer hête . unde
 81ra,15 jihet ieman dâr nâch daz er lîpgedinge
 81ra,16 habe an dem selben guote .
 81ra,17 lougenet den der hêrre des lîpgedinges .
 81ra,18 hânt die brieve oder hantveste
 81ra,19 des sulen si geniezen . hânt
 81ra,20 si des niht . mügent si danne ire
 81ra,21 lîpgedinge beziugen selbe dritte
 81ra,22 des sulen si geniezen . ir sî einer
 81ra,23 oder mêt . // ist aber daz ein
 81ra,24 man ein hantveste nimet von sîneme
 81ra,25 hoveherren . swaz diu hantveste

 81rb,1 danne seit daz sol beidenthalben
 81rb,2 stæte sîn . unde mac in
 81rb,3 nieman dâr an geirren // ist aber
 81rb,4 daz der hoveherre stirbet der daz
 81rb,5 lîpgedinge dâ gelihen hât . in
 81rb,6 sweliche hant ez danne gevellit . sô
 81rb,7 hât dirre des daz lîpgedinge ist
 81rb,8 daz selbe reht als ob jener lebete .
 81rb,9 der im ez des êrsten dâ lêch .
 81rb,10 // wære aber daz im jener des lîpgedinges
 81rb,11 lougenete in des hant
 81rb,12 ez dâ gevallen ist . sô sol jener
 81rb,13 dar gân unde sol bereden mit
 81rb,14 sînen zwein vingern daz er nutz
 81rb,15 unde gewer dâr an habe sô hât
 81rb,16 er ez behebet . unde hât daz selbe
 81rb,17 reht als dô sîn hoveherre lebete
 81rb,18 // ist daz ein man lêhen hât von eineme
 81rb,19 hêrren unde lîpgedinge dâr
 81rb,20 ûz lîhet . unde stirbet der selbe
 81rb,21 man der ez von dem hêrren hât .
 81rb,22 âne lêhenes erben . sô ist dem hêrren
 81rb,23 daz guot iesâ ledic . unde hât
 81rb,24 jener niht dâr an . des daz lîpgedinge
 81rb,25 dâ was . ez en sî danne als

81rb,26 verre . daz ez mit des hêrren lêheneshant

81va,1 sî geschehen // hât aber
 81va,2 er lêhenes erben sô hânt si reht
 81va,3 an dem lîpgedinge die wîle unde
 81va,4 die lêhenes erben lebent . als
 81va,5 von ire vater // gewinnet ein
 81va,6 man lîpgedinge im unde sîner
 81va,7 hûsvrouwen unde sînen kinden
 81va,8 oder swem er ez gewinnet . mac
 81va,9 er des niht ersparn vore rehter
 81va,10 nôtdürfte . daz mac er wole ane
 81va,11 werden . daz in die niht geirren
 81va,12 mügen . die daz lîpgedinge dâ
 81va,13 hânt entvagen . ez en sî danne
 81va,14 als verre . ob si im sîn nôtdurft
 81va,15 bûezent in den êren als er her
 81va,16 komen ist . tuont si daz . sô mac
 81va,17 er sîn niht ane werden . hât er
 81va,18 ez an ire schaden gewonnen .
 81va,19 // gewinnet aber ein man lîpgedinge
 81va,20 im unde sîner hûsvrouwen
 81va,21 unde sînen kinden . oder swem
 81va,22 er ez gewinnet . stirbet der gemechede
 81va,23 einez . sô sol ez daz ander
 81va,24 erben unz an sînen tôten . geruochlîchen
 81va,25 als danne daz ander gemechede
 81va,26 ouch stirbet sô sulen ez

81vb,1 diu andern danne gelîche erben .
 81vb,2 diu ez dâ hânt entvagen . ez
 81vb,3 en sî danne als verre . ob ez ir decheinem
 81vb,4 sunderlîchen ûz gedinget
 81vb,5 sî . der ez niezen sûle vore
 81vb,6 den andern . mac der selbe daz
 81vb,7 erziugen selbe dritte als reht
 81vb,8 ist . sô sol er daz lîpgedinge niezen
 81vb,9 vore den andern . // ist aber
 81vb,10 daz ein man sîn lîpgedinge hin
 81vb,11 geben wîle . sô sol er ez sînen hoveherren
 81vb,12 des êrsten an bieten . wîle
 81vb,13 er im danne als vile dâr umbe
 81vb,14 geben als ein ander man . sô
 81vb,15 sol er ez dem hoveherren geben
 81vb,16 vûre ander liute . wîle aber sîn der
 81vb,17 hoveherre niht . sô sol er ez geben
 81vb,18 swem er wîle in dem rehte

- 81vb,19 als er ez hât . // wile aber ez der
 81vb,20 hoveherre haben . swaz man im
 81vb,21 danne anderswâ dâr umbe geben
 81vb,22 wile . des sol er im ie an dem pfunde
 81vb,23 einen schillinc lâzen
 81vb,24 // wær aber daz jener daz lîpgedinge
 81vb,25 hin gæbe âne des hoveherren
 81vb,26 wort . swem er ez danne gît .
- 82ra,1 wile ez der hoveherre danne haben
 82ra,2 umbe den selben kouf . als
 82ra,3 er ez gegeben hât . sô muoz jener
 82ra,4 von dem koufe stân . unde muoz
 82ra,5 ez dem hoveherren lân daz ist
 82ra,6 recht // ist aber daz ein burgær
 82ra,7 oder ein burgærinne lîpgedinge
 82ra,8 gewinnet von dem bischove .
 82ra,9 oder von den kôrhêrren . oder
 82ra,10 von eineme andern goteshûse . unde
 82ra,11 hantveste dâr über nement
 82ra,12 wile in die hantveste ieman
 82ra,13 brechen . die sol der voget unde
 82ra,14 die burgær schirmen ze rehte .
 82ra,15 // ist daz ein man oder ein vrouwe
 82ra,16 lîpgedinge gewinnet . umbe
 82ra,17 swen er ez danne gewinnet .
 82ra,18 unde dinget er daz . daz er die lîbe
 82ra,19 nenne inner jâres vrist . oder langer
 82ra,20 oder kurzer . unde stirbet der
 82ra,21 man oder diu vrouwe . die daz lîpgedinge
 82ra,22 dâ gewonnen vore dem
 82ra,23 zile . swelichez daz lîpgedinge dâ
 82ra,24 gewan des lîp ist verloren . unde
 82ra,25 sulen die næhesten erben zuo dem
 82ra,26 hoveherren gân . unde die lîbe
- 82rb,1 nennen die dâ gewonnen sint .
 82rb,2 unde sol in der hoveherre die lîbe
 82rb,3 lîhen ze rehte . // wær aber daz .
 82rb,4 daz der man oder diu vrouwe . diu
 82rb,5 daz lîpgedinge dâ gewonnen . oder
 82rb,6 ire erben die lîbe niht en nanten
 82rb,7 ûf daz selbe zil . als si ez gewonnen .
 82rb,8 sô ist ez dem hoveherren ledic
 82rb,9 daz ist recht // ist aber daz
 82rb,10 der hoveherre ûz an landes ist .
 82rb,11 des sulen die liute der daz lîpgedinge

- 82rb,12 ist keinen schaden haben .
 82rb,13 unz daz der hoveherre her wider
 82rb,14 heim kumet . daz ist reht // swer
 82rb,15 lîpgedinge hât von eineme hêrren
 82rb,16 oder von andern liuten . unde zins
 82rb,17 dâ von gît ûf einen tac . gît er
 82rb,18 den zins des selben tages sô ist
 82rb,19 er ledic . lougenet aber im des
 82rb,20 der hoveherre . daz er im des zinses
 82rb,21 iht habe gegeben . daz sol der hoveherre
 82rb,22 bereden mit sînen zwein
 82rb,23 vingern daz im des zinses iht
 82rb,24 worden sî . ez en breche danne
 82rb,25 jener dem hoveherren selp dritte
 82rb,26 mit den liuten die ez gesehen
- 106va,1 waz rehtes der burcgrâve gein
 106va,2 den vleischheckeln hât unde si gein
 106va,3 im . unde diu stat gein dem burcgrâven
 106va,4 unde gein im .
 106va,5 der burcgrâve hât daz reht
 106va,6 hin ze den vleischheckeln . daz
 106va,7 im ein iegelich vleischheckel geben
 106va,8 sol ze sancte Martines messe drî schillinge
 106va,9 pfenninge vüre einen rindes
 106va,10 buch . unde ze vastnaht ieweder vleischheckel
 106va,11 zwei bein . sô sint daz
 106va,12 diu reht diu die vleischheckel hin
 106va,13 wider gein dem burcgrâven haben
 106va,14 sulen diu er in halten sol .
 106va,15 sô hânt die vleischheckel hin wider
 106va,16 gein dem burcgrâven daz reht daz
 106va,17 kein vleischmanger der ein gast ist .
 106va,18 kein vleisch hinne veile haben sol .
 106va,19 wan als her nâch geschriben stât .
 106va,20 daz reht ist alsô . swenne der herbest
 106va,21 kumet . daz die liute ire hûs berihten
 106va,22 sulen mit vleische . daz ein iegelich
 106va,23 gast keinen rindes buch verkoufen
 106va,24 sol . von herbeste unz ze vastnaht
 106va,25 wan bî ganzen rindes buchen . unde
 106va,26 bî halben . unde bî dem vierteile . unde bî
- 106vb,1 niht minner . unde kelber . unde lember
 106vb,2 genziu unde niht minner . unde sol daz
 106vb,3 allez blôz sîn âne vel . ez sî grôz
 106vb,4 oder kleine . unde swelich gast bachen

106vb,5 her vüeret . der sol die ganze verkoufen
 106vb,6 sweder er wile . mit der
 106vb,7 wâge oder sust . unde ze den ôstern hânt
 106vb,8 die ûzern vleischmanger daz reht .
 106vb,9 daz si von ôstern unz ze pfingesten
 106vb,10 sulen verkoufen lembere unde kelber .
 106vb,11 genziu an der strâze unde ouch âne
 106vb,12 huote . unde swelich gast vleisch her in
 106vb,13 vüeret daz sol als durhnehtic sîn
 106vb,14 daz ez iht arcwænic sî . wirdet des
 106vb,15 ieman bewert daz ez arcwænic
 106vb,16 ist . der sol daz dem vogete bûezen
 106vb,17 dâr nâch unde diu schulde geschaffen
 106vb,18 ist . // ez ist ouch ire reht als
 106vb,19 des zît ist daz man rintvleisch slahen
 106vb,20 sol . wolten si danne niht geben
 106vb,21 als den burcgrâven unde die
 106vb,22 burgær redelich dûhte . daz die burgær
 106vb,23 mit in slahen sulen . unde sol man
 106vb,24 dâr zuo nemen zuo dem burcgrâven
 106vb,25 zwêne burgær . unde sulen die
 106vb,26 koufen ein guot rint unde einez

 107ra,1 dâr nâch . unde sol man dâr an besehen
 107ra,2 waz si getuon mügen . unde sulen
 107ra,3 si daz stæte haben dâr nâch als
 107ra,4 diu zît danne seit . unde sol man an
 107ra,5 dem swînîn vleische daz selbe tuon
 107ra,6 in aller der bescheidenheit als dâ
 107ra,7 vore geschriben stât . sô sint daz
 107ra,8 diu reht diu die burgær unde
 107ra,9 diu stat gemeinlichen gein den
 107ra,10 vleischheckeln haben sol .
 107ra,11 diu reht sint alsô swenne der
 107ra,12 herbest kumet . daz die burgær
 107ra,13 unde diu stat ire hûs berihten wellent
 107ra,14 mit vleische . swelich burgær uf den
 107ra,15 rindermarket gât unde rinder wile
 107ra,16 koufen . oder swîn . stât ein vleischmanger
 107ra,17 dâr obe unde wile daz koufen
 107ra,18 der sol den burgær niht irren .
 107ra,19 ob er ez koufen wile . hât aber
 107ra,20 er ez gedinet unde gekoufet . unde ist
 107ra,21 dannoch an dem markete . wile ez
 107ra,22 der burgær hân umbe den selben
 107ra,23 kouf sô sol er ez im lân âne alle
 107ra,24 widerrede . ez sîn rinder oder swîn .

- 107ra,25 ist aber ez abe dem markete komen .
 107ra,26 sô tuot er wole sweder er wile . unde
- 107rb,1 diu reht sulen die vleischheckel der stat
 107rb,2 behalten von sancte Michels tage
 107rb,3 unz ze wîhenachten an dem rintvleische .
 107rb,4 unde an dem swînîn von
 107rb,5 sancte Michels tage unz vastnahte .
 107rb,6 // ez sol ouch under den vleischheckeln
 107rb,7 niht mêr geselleschafte sîn wan
 107rb,8 ze eineme rinde zwêne . unde sulen ouch
 107rb,9 die daz ûf einem banke verkoufen .
 107rb,10 swelich zwêne daz brechent
 107rb,11 unde des bewert werdent als reht
 107rb,12 ist die zwêne sint dem burcgrâven
 107rb,13 sîner galtnusse schuldic . // ez sol
 107rb,14 ouch kein vleischmanger kein rint
 107rb,15 noch kein schâf . noch kein kalp
 107rb,16 stechen wan in dem slagehûse swer
 107rb,17 daz brichet der ist dem burcgrâven
 107rb,18 der galtnusse schuldic als er durh
 107rb,19 reht sol . âne verher diu mac er
 107rb,20 dâ heime wole briuwen in sîneme hûse
 107rb,21 unde stechen // ez sol ouch kein
 107rb,22 vleischmanger niemanne kein pfinnic
 107rb,23 vleisch geben wan mit wizzen .
 107rb,24 noch kein ander vleisch wan vüre daz
 107rb,25 selbe als [!] ez ist . swer daz brichet
 107rb,26 der ist dem burcgrâven der galtnusse
- 107va,1 schuldic als er durh reht sol
 107va,2 // ez sol ouch nieman keinen
 107va,3 rindes buch mit keineme strôwe unterschieben .
 107va,4 weder gast noch
 107va,5 burgær swâ man daz vindet mit
 107va,6 der wârheit . der ist dem burcgrâven
 107va,7 der buoze schuldic . unde sol
 107va,8 ime als grôz unslites geben
 107va,9 als des strôwes was // ez sol ouch
 107va,10 nieman keinen kelber bûch .
 107va,11 noch keinen leMBER bûch . noch
 107va,12 kein kitzîn . erschieben wante
 107va,13 mit dem netze . daz dâ von komen
 107va,14 ist . noch blâsen . noch under der huote
 107va,15 lân hangen . swer daz brichet
 107va,16 daz vleisch ist des burcgrâven .
 107va,17 si sulen ouch von ôstern unze

- 107va,18 pfingesten kelber unde leंबर
 107va,19 slahen . unde vürest die pfingesten
 107va,20 vergânt . sô sulen si kein kalp mêt
 107va,21 slahen . wan mit râte . // ez sol
 107va,22 ouch kein vleischmanger kein
 107va,23 rint . noch kein kalp von vastnaht
 107va,24 unz ôstern slahen wan einem
 107va,25 burgær in sîneme hûse dem mac er
 107va,26 ez wole slahen unde verkoufen .
- 107vb,1 // man sol ouch wizen swenne
 107vb,2 die pfingesten koment . sô sol
 107vb,3 man rintvleisch slahen . oder ê
 107vb,4 unde verkoufen mit der wâge .
 107vb,5 nâch des burcgrâven râte unde der
 107vb,6 burgær als ez mit gewoneheit her
 107vb,7 ist komen . unde mit rehter bescheidenheit
 107vb,8 als die vleischmanger
 107vb,9 getragen mûgen . unde als diu zît
 107vb,10 danne ist . // wær aber daz ungenâde
 107vb,11 in dem lande wære von vihesterben .
 107vb,12 sô sol man nemen zwêne
 107vb,13 burgær unde zwêne biderbe man
 107vb,14 ûz den vleischmangern . die daz bewarn
 107vb,15 daz kein undinc an den
 107vb,16 liuten geschehe . von boesem vleische .
- 109ra,1 der burcgrâve hât daz
 109ra,2 reht hin ze den huckern .
 109ra,3 daz si im sulen geben ze banne
 109ra,4 alliu jâr ze pfingesten ein pfunt
 109ra,5 pfenninge . unde ze sancte Martines
 109ra,6 messe ein pfunt . unde iegelich
 109ra,7 hucker alle wochen ein hallerwert
 109ra,8 des er vore im hât . unde die vuoterær
 109ra,9 gebent im zwelif schillinge
 109ra,10 ze vuoterbanne . alliu jâr ze
 109ra,11 sunnewenden . unde ze vasten
 109ra,12 iegelich hucker der ôle veile hât
 109ra,13 zwei pfunt ôles . unde ze sancte
 109ra,14 Martines messe iegelich hucker
 109ra,15 einen gestrichen metzen salzes .
 109ra,16 der salz vore im veile hât .
 109ra,17 sô hânt die hucker daz reht
 109ra,18 gein dem burcgrâven daz er in
 109ra,19 vore sol sîn gewaltes an den sachen
 109ra,20 die in ire antwerc hoerent .

109rb,1 unde ob in ieman unrehte dâr an
 109rb,2 wolte tuon . daz er si dâ vore schirmen
 109rb,3 sol . wolte er des niht tuon .
 109rb,4 unde daz er in daz versæze . sô mügent
 109rb,5 si wole vüre den bischov gân .
 109rb,6 unde mügent ez in lân wizen daz
 109rb,7 er in vore sî unde si verspræche als
 109rb,8 er durh reht sol . wan er oberster
 109rb,9 burcgrâve ist . wolte aber in der
 109rb,10 bischov niht vore sîn . sô sol si ein
 109rb,11 voget schirmen mit der burgær
 109rb,12 râte . wande si mit den burgærn hebent
 109rb,13 unde legent . // ez ist ouch daz
 109rb,14 reht . bringet ein burgær öle her
 109rb,15 des er samentkoufes niht verkoufen
 109rb,16 mac . als im guot sî oder sîn niht
 109rb,17 hinnen vüeren wile . der mac daz wole
 109rb,18 bî zwein pfunden ûz geben an
 109rb,19 der strâze . unde gît dem burcgrâven
 109rb,20 sîn reht als dâ vore geschriben stât .
 109rb,21 bringet aber ein gast öle her der sol
 109rb,22 daz niht verkoufen wan bî ganzen
 109rb,23 lægeln . bringet ein burgær
 109rb,24 heringe her die verkoufet er
 109rb,25 wole bî vünvzigen unde dâr über in sîneme
 109rb,26 hûse unde niht minner . bringet si

109va,1 aber ein gast her . der sol si niht
 109va,2 anders verkoufen wan bî ganzer
 109va,3 meise . ez en sî danne als verre
 109va,4 daz ez den ôstern als nâhen sî . unde
 109va,5 daz er in samentkoufes bî der meise
 109va,6 niht verkoufen müge . gein
 109va,7 burgærn oder gein huckern . dem sol
 109va,8 der burcgrâve wole erlauben daz
 109va,9 er in verkoufe ûf der strâze . bî
 109va,10 dem pfenningwerde daz er iht ze bôsheit
 109va,11 dâ von werde . bringet ouch
 109va,12 ein burgær oder ein gast æle her .
 109va,13 die verkoufet ein iegelich man
 109va,14 wole swâ er wile einzehtîn an der
 109va,15 strâze oder in hiusern . bringet
 109va,16 ein gast hûsen her .
 109va,17 den sulen si niht versnîden âne des
 109va,18 burcgrâven urloup . unde swelich
 109va,19 gast hûsen snîden wile . der ist dem

109va,20 burcgrâven schuldic vünf schillinge
 109va,21 pfenninge . bringet ein burgær
 109va,22 vîgen her . mac er der samentkoufes
 109va,23 niht verkoufen . sô mac er si ûf
 109va,24 dem markete einzehtîn wole verkoufen .
 109va,25 unde sol dem burcgrâven
 109va,26 von dem ballen ahte rîs geben .

109vb,1 bringet ein gast vîgen her . der
 109vb,2 sol die niht anders verkoufen
 109vb,3 wan bî ganzen ballen . bringet
 109vb,4 ein burgær sac vîgen her . der mac
 109vb,5 die wole verkoufen . bî dem pfunde
 109vb,6 in krâmen oder in hiusern . ez
 109vb,7 sol ouch kein gast obez verkoufen .
 109vb,8 wan bî ganzen stubichen .
 109vb,9 wile aber er ez bî der zal ûz geben
 109vb,10 daz sol er tuon . von einem morgene
 109vb,11 unz an den andern tac ze
 109vb,12 mittem tage . unde swaz im an dem
 109vb,13 andern tage ze mittem tage über
 109vb,14 wirdet . daz sol er niht mêr an den
 109vb,15 market bringen . unde sol daz sament
 109vb,16 verkoufen . alsô hât er wole reht
 109vb,17 ze eineme iegelîchen stübiche . ob er
 109vb,18 mêr stübiche hât . unde sol ouch
 109vb,19 kein obez in schüten ûz den stübichen .
 109vb,20 in den stübichen mac er ez
 109vb,21 wole gehalten .
 109vb,22 sô hânt die burgær daz reht hin ze
 109vb,23 dem burcgrâven unde hin ze den
 109vb,24 huckern . daz si sulen halten alle

110ra,1 die gesetze die die burgær getuont
 110ra,2 dâ der burcgrâve bî ist . über allez
 110ra,3 daz daz si veile hânt ez sî lîpnar
 110ra,4 oder ander dinc . unde sol ein burcgrâve
 110ra,5 daz der stat stæte haben .
 110ra,6 unde niht abe lân âne ire wort .
 110ra,7 ez sulen ouch die hucker mîden
 110ra,8 hier ze der stat allen vürekouf . sô
 110ra,9 man in verbiutet er sî grôz oder
 110ra,10 kleine . der zuo ire antwerke gehoert .
 110ra,11 unde ûzerhalben der stat mügent si
 110ra,12 wole koufen swaz si wellent .
 110ra,13 daz in guot ist . unde sulen ouch von
 110ra,14 sancte Jakobes tage unz an sancte

- 110ra,15 Martines tage von dem vritages morgene
 110ra,16 unz mittem tage niht koufen
 110ra,17 decheiner slahte dinc . in erloube
 110ra,18 ez danne der rât unde die rihtær
 110ra,19 die dâr zuo hoerent . wande sich die
 110ra,20 burgær danne ze den zîten in ire
 110ra,21 hiuser berihten sulen . als si daz
 110ra,22 jâr belîben wellent . ez hânt
 110ra,23 ouch die burgær daz reht swer in
 110ra,24 den mûlen ôle ûz slehet . der den ban
 110ra,25 gît dem burcgrâven . der mac daz
 110ra,26 wole bî kannelen oder bî der gelten
- 110rb,1 veile tragen in der stat ûf unde ze tal .
 110rb,2 unde mac daz wole geben bî dem
 110rb,3 pfunde unde bî halbem pfunde .
 110rb,4 ez hânt ouch die liute die ôle in den
 110rb,5 mûlen ûz slahent daz reht . swenne
 110rb,6 niht verboten ist ôle ûz ze vüerenne
 110rb,7 ûz der stat . sô gebent si ire ôle wole in
 110rb,8 der mûle . burgærn oder gesten . der daz
 110rb,9 ambaht hât als dâ vore geschriben
 110rb,10 stât . wile ouch ein burgær ôle ûz slahen
 110rb,11 sô ez niht verboten ist . der mac
 110rb,12 daz wole tuon unde vüeren unde verkoufen
 110rb,13 samentkoufes swar er wile . gesten
 110rb,14 unde burgærn . unde sol in des
 110rb,15 nieman irren .
- 111ra,1 swâ der burcgrâve vindet unrehtiu
 111ra,2 mez under den lîtgeben
 111ra,3 daz sol er rihten als dâ vore geschriben
 111ra,4 stât in dem kapitel von den
 111ra,5 lîtgeben . swâ aber er vindet unrehte
 111ra,6 metzen under den vuoterærn .
 111ra,7 oder anderiu unrehten mâz under
 111ra,8 den huckern oder under den vuoterærn .
 111ra,9 dâ sol er der stat rihten unde
 111ra,10 im selben alsô daz er die mezen
 111ra,11 brennen sol unde von iewederem
 111ra,12 manne sîne vünf schillinge nemen .
 111ra,13 unde sol ez ouch alliu jâr einest
 111ra,14 versuochen . unde sulen dâ bî sîn zwêne
 111ra,15 burgær von dem râte oder viere .
 111ra,16 // vindet er ouch unrehtiu geloete
 111ra,17 under den vleischmangern oder
 111ra,18 under den huckern swâ er daz vindet .

- 111ra,19 daz sol man im buezen mit
- 111rb,1 vünf schillingen unde dem vogete
 111rb,2 den valsch . dâ er ist . unde hât der burcgrâve
 111rb,3 den gewalt daz er unrehtiu
 111rb,4 geloete suochen sol einest in dem
 111rb,5 mânôde swenne er wile . vindet er
 111rb,6 ouch unrehte metzen oder unrehtiu
 111rb,7 mâz diu sol er verbrennen . ûf
 111rb,8 dem BÉRleiche unde sîne galtnusse
 111rb,9 dâ von nemen als dâ vore geschriben
 111rb,10 stât . // ez sol ouch kein obezær
 111rb,11 kein obez bî der zal hin geben
 111rb,12 wan daz der zal wert ist . unde sol
 111rb,13 ouch iegeliches obezes niur eine
 111rb,14 zal haben . unde swaz dâr nâch obezes
 111rb,15 ist daz sol er bî der mâze verkoufen
 111rb,16 als dâ vore geschriben stât .
 111rb,17 unde sol diu mâze ze dem minnesten
 111rb,18 ein ahtel sîn unde ein halbez ahteil .
 111rb,19 // ez sol ouch kein obezær kein
 111rb,20 obez ûz keineme stübiche verkoufen .
 111rb,21 wan vore im ûz den muoltern . unde
 111rb,22 alliu diu reht diu in daz burcgrâvenambet
 111rb,23 hoerent . von der lîpnar als dâ
 111rb,24 vore geschriben stât diu sol der bischov
 111rb,25 unde sîn burcgrâve stæte haben .
 111rb,26 durch got unde durch daz reht . unde weder
- 111va,1 durch liebe noch durch miete brechen .
 111va,2 ez en süle stæte sîn êwiclichen .
- 111vb,1 der burcgrâve sol rihten
 111vb,2 alle köufe . unde swaz klage
 111vb,3 von köufen kumet . ane umbe
 111vb,4 den vürekouf daz sol ein voget rihten .
 111vb,5 swâ ein kouf geschihet dâ der
 111vb,6 gotespfenninc an gegeben wirdet
 111vb,7 oder sust lîtkouf an getrunken
 111vb,8 wirdet der sol stæte sîn . ez en sî danne
 111vb,9 eteslich dinc dâ inne . daz den
 111vb,10 kouf gebrechen müge oder geirren .
 111vb,11 unde swâ geziuge umbe köufe erteilt
 111vb,12 werdent . daz sol stân in allen
 111vb,13 dem rehte als umbe geziuge
 111vb,14 in dem kapitel von der gülte geschriben
 111vb,15 stât .

112ra,1 swâ ein burgær hin ze dem
 112ra,2 andern klaget umbe gülte
 112ra,3 oder ein burgær hin ze eineme gaste .
 112ra,4 oder ein gast hin ze einem burgær .
 112ra,5 oder ein gast gein eineme andern
 112ra,6 gaste . unde umbe alle hîstiure
 112ra,7 diu verbürget ist daz sol ein burcgrâve
 112ra,8 rihten . unde swelich hîstiure unverbürget
 112ra,9 ist daz rihtet ein voget .
 112ra,10 swâ aber ein burgær dem andern
 112ra,11 lougene der gülte dâr umbe er
 112ra,12 in an sprichet dâ sol er sînen eit
 112ra,13 umbe nemen . oder er sol in beziugen
 112ra,14 selbe dritte mit unversprochen
 112ra,15 liuten hin ze eineme lebentigen
 112ra,16 manne . mac er an der stat niht beziugen
 112ra,17 sô sol man im einen tac .
 112ra,18 geben von swelichem tage er wile
 112ra,19 dâr nâch in der wochen . über ahte
 112ra,20 tage . mac er sînes geziuges danne
 112ra,21 niht haben daz sol er bereden
 112ra,22 wile es in der klagær niht erlân .
 112ra,23 unde sol man im aber einen tac geben
 112ra,24 mac er sîn danne niht haben
 112ra,25 daz sol er aber bereden wile es in der

112rb,1 klagær niht erlân . unde sol man im
 112rb,2 danne den dritten tac geben ze
 112rb,3 endehaften rehte . mac er danne
 112rb,4 niht beziugen sô hât er sîn reht
 112rb,5 umbe die klage verloren . unde ist dem
 112rb,6 burcgrâven vümf schillinge
 112rb,7 schuldic . erziuet aber er sô ist
 112rb,8 jener vümf schillinge schuldic .
 112rb,9 wære aber daz ein man hin ze dem
 112rb,10 andern klagete unde sich geziuges
 112rb,11 vermæzze . umbe sweliche sache
 112rb,12 daz wære . gert im sîn vürespreche
 112rb,13 tages umbe sînen geziuc . unde
 112rb,14 ziuhet vüre daz sîn geziuc inne an landes
 112rb,15 niht sî . sô sol er den geziuc nennen
 112rb,16 der innerhalb landes niht ist .
 112rb,17 unde sol man im danne einen tac
 112rb,18 geben vierzehen tage daz er sînen
 112rb,19 geziuc bringe . mac er des geziuges
 112rb,20 danne niht haben bereitet

112rb,21 er daz . sô sol man im einen andern
 112rb,22 tac geben in allen dem rehte als
 112rb,23 den êrsten . mac er sîn danne niht
 112rb,24 gehalten sô sol man im den dritten
 112rb,25 tac geben ze endehaftem rehte .
 112rb,26 erziuget er danne niht . sô hât

112va,1 er sîn reht verloren unde ist dem burcgrâven
 112va,2 vünf schillinge schuldic .
 112va,3 erziuget aber er sô ist jener vünf
 112va,4 schillinge schuldic . unde swenne
 112va,5 sich ein man geziuges vermizzet .
 112va,6 ziuhet er des êrsten tages niht
 112va,7 vüre daz sîn geziuc inne an landes
 112va,8 niht sî . sô mac er ze den andern
 112va,9 zwein tagen nihtesniht vüre geziehen
 112va,10 daz iht vüre trage . swelich
 112va,11 gülte gevellet ûzerhalben der stat .
 112va,12 ez sî von köufen oder von andern
 112va,13 dingen . kumet daz ze klage hier vore
 112va,14 gerihte
 112va,15 // ist ouch
 112va,16 daz ein man den andern beklaget
 112va,17 umbe gülte . sprichet er danne . “ich
 112va,18 en lougenen niht ich en sol im gelten
 112va,19 unde dâr umbe hât er mir vrist gegeben
 112va,20 lougenet er mir des dâ nime ich
 112va,21 sîn reht umbe oder ich bringe ez hin ze
 112va,22 im als mir erteilt wirdet .” lougenet
 112va,23 des jener . unde vermizzet sich dirre
 112va,24 geziuges hin ze im mac er danne
 112va,25 niht beziugen daz im jener vrist

112vb,1 gegeben habe . sô ist er dem burcgrâven
 112vb,2 schuldic vünf schillinge . unde
 112vb,3 ime sînes schadenes swie er in hin ze
 112vb,4 im bringen mac . ez sî an juden
 112vb,5 oder an kristenen // beklaget aber
 112vb,6 ein man den andern umbe gülte .
 112vb,7 sprichet er danne “ich en lougenen
 112vb,8 des niht ich en solte im gelten unde
 112vb,9 des hân ich in gewert” dâ sol man
 112vb,10 sîn lougen umbe nemen daz er
 112vb,11 ungewert sî . er ne beziuge in danne
 112vb,12 selbe dritte daz er in gewert
 112vb,13 habe mac er des niht getuon sô
 112vb,14 ist er dem burcgrâven schuldic

112vb,15 vünf schillinge unde ime sol er
 112vb,16 sînen schaden abe tuon swie er in
 112vb,17 hin ze im bringet ez sî an juden
 112vb,18 oder an kristenen // klaget ieman
 112vb,19 hin ze einer witewen der wirt tôt
 112vb,20 ist umbe gülte die ire wirt gelten
 112vb,21 solte lougenet si der gülte daz si ir
 112vb,22 iht wizze dâ sol man ir reht umbe
 112vb,23 nemen man beziuge si danne
 112vb,24 selbe dritte daz si si wesse unde niht
 112vb,25 vergolten sî . sô ist si der gülte schuldic
 112vb,26 mac man des hin ze ir niht

113ra,1 bringen sô ist siu ledic . sprichet
 113ra,2 aber ieman hin ze einer witewen
 113ra,3 umbe gülte . unde mac er danne
 113ra,4 selbe dritte hin ze ir niht bringen
 113ra,5 daz si die gülte wesse . mac er die
 113ra,6 gülte danne bringen selbe sibende
 113ra,7 hin ze ire wirte . sô ist si der gülte
 113ra,8 schuldic vüre ire wirt ze geltenne .
 113ra,9 // klaget ieman weisen an umbe
 113ra,10 gülte ez sî von vater oder von
 113ra,11 muoter . sint die weisen ze ire tagen
 113ra,12 komen . unde lougenent si der
 113ra,13 gülte . mac jener selbe dritte
 113ra,14 daz hin ze in bringen daz si der
 113ra,15 gülte wole wessen . sô sint si der
 113ra,16 gülte schuldic // sint aber
 113ra,17 die weisen ze ire tagen niht komen
 113ra,18 daz ist ze vierzehen jâren . sô muoz
 113ra,19 man die gülte selbe sibende
 113ra,20 bringen hin ze ire vater oder hin ze
 113ra,21 ire muoter . von swederm diu gülte
 113ra,22 dâr ist komen . als daz geschihet
 113ra,23 sô sint si der gülte schuldic mac
 113ra,24 man des niht getuon . sô sint si der
 113ra,25 gülte ledic . // klaget ieman hin ze
 113ra,26 eines burgæres huober umbe daz

113rb,1 guot daz niht vogetbær ist . dâ sol man
 113rb,2 niuwan dem hêrren klagen des daz
 113rb,3 guot ist . wolte des der hêrre niht
 113rb,4 rihten sô sol ez ein voget oder ein
 113rb,5 burcgrâve rihten dâr nâch als diu
 113rb,6 schulde der gülte geschaffen ist .
 113rb,7 sol ein man dem andern gelten unde

- 113rb,8 er im der gülte niht lougenet . swie
 113rb,9 lange der daz lâ stân daz er in
 113rb,10 niht beklaget . daz sol im noch sînen
 113rb,11 erben an keineme sîneme rehte niht
 113rb,12 schaden . lougenet aber er im der
 113rb,13 gülte . rehtvertiget er in niht unde
 113rb,14 beklaget in niht . inner jâr unde inner
 113rb,15 tage . sô en mac er noch sîn erben
 113rb,16 den man noch sîne erben vürebaz
 113rb,17 mit rehte niht ane gesprechen .
- 113va,1 ist aber daz ieman den andern
 113va,2 an sprichet umbe swiu daz ist
 113va,3 des im jener lougenet dâ sol er
 113va,4 sînen eit umbe nemen . er ne beziuge
 113va,5 in danne selbe dritte . daz
 113va,6 er schuldic sî des dâr umbe er
 113va,7 in an sprichet .
 113va,8 ist aber daz ein man dem andern
 113va,9 gelten sol . sendet er im die gülte
 113va,10 bî sîneme gedingeten êhalten sô
 113va,11 ist er ledic . ist aber er niht sîn
 113va,12 gedingeter êhalte sô ist er ir
 113va,13 niht ledic . lougenet aber er des
 113va,14 daz der êhalte der die gülte dâ in
 113va,15 genomen hât sîn gedingeter
 113va,16 êhalte wære . dâ sol er sîn reht
 113va,17 umbe nemen . er ne beziuge in
 113va,18 danne selbe dritte . daz er sîn gedingeter
 113va,19 êhalte wære des tages
 113va,20 dô er im die gülte bî im sande .
 113va,21 ist daz ein man dem andern
 113va,22 vüre gebiutet umbe gülte . unde
 113va,23 daz er im sîne pfenninge wettet
 113va,24 ze gebenne inner ahte tagen
 113va,25 gibet er ez im danne niht unde daz im jener
 113va,26 nâch dem gewette vüre gebiutet
- 113vb,1 kumet daz ze klage unde daz ez dirre
 113vb,2 dem burcgrâven seit sô sol der
 113vb,3 burcgrâve im eines pfandes
 113vb,4 helfen . unde ist im jener eines unrehtes
 113vb,5 schuldic . ez en sî danne
 113vb,6 als verre ob er in den ahte tagen
 113vb,7 zuo jeneme gange . unde in an biete
 113vb,8 pfant diu er gehalten mac . ez sîn hiuser .
 113vb,9 ecker . wisen . oder garten . wile

113vb,10 jener des pfandes niht . sô sol
 113vb,11 ez dirre dem burcgrâven sagen
 113vb,12 oder dem weibel . unde gebüte im
 113vb,13 jener dâr über nâch dem gewette
 113vb,14 vüre . dâ sol er kein unreht umbe
 113vb,15 verliesen . mac er ez bringen
 113vb,16 mit dem burcgrâven . oder mit
 113vb,17 dem weibel . oder selbe dritte unverworfener
 113vb,18 liute mit den die ez
 113vb,19 gehôrt habent unde gesehen .
 113vb,20 unde wile aber er niht gelouben
 113vb,21 daz er niht anders guotes habe
 113vb,22 dâ mit er im vergelten müge
 113vb,23 des sol er in bewîsen mit sîneme
 113vb,24 eide unde sol er danne diu pfant
 113vb,25 nemen diu jener gehalten mac .
 113vb,26 gât aber er in den ahten zuo ime niht . unde biutet in niht an pfant oder
 pfenninge . gebiutet im danne jener nâch dem gewette vüre . sô ist er dem
 burcgrâven eines unrehtes schuldic .

114ra,1 sint daz beslozzenu
 114ra,2 pfant . diu sol man
 114ra,3 ahte tage gehalten unde sol si danne
 114ra,4 jenen ane bieten mit gerihte .
 114ra,5 daz er ez inner ahte tagen loese .
 114ra,6 tuot er des niht sô mac er si mit
 114ra,7 des burcgrâven urloube wole
 114ra,8 verkoufen . ob der weibel seit
 114ra,9 daz er ez in an geboten habe als
 114ra,10 vore geschriben stât . unde sol si verkoufen
 114ra,11 âne geværde . wirdet im
 114ra,12 iht über daz sol er jenem wider
 114ra,13 geben . gebristet im iht dâ sol im
 114ra,14 der burcgrâve mêt pfande umbe
 114ra,15 geben . daz selbe reht ist ouch
 114ra,16 ob man im antwürtet ros oder
 114ra,17 rinder . oder swelicher leie ezzen
 114ra,18 diu pfant ez sint . beklaget ein
 114ra,19 man den andern . unde bereit der
 114ra,20 daz er niht varntes guotes habe .
 114ra,21 hât er danne hiuser ecker oder
 114ra,22 wisen . dâ sol im der burcgrâve hin
 114ra,23 rihten . unde sol ez im antwürtten .
 114ra,24 sint daz hiuser dâ er selbe niht

114rb,1 inne ist . oder ecker . oder wisen . die
 114rb,2 sol er ahte tage gehalten . als die

114rb,3 vüre koment . sô sol er ez in mit dem
 114rb,4 weibel ane bieten daz er ez inner ahte
 114rb,5 tagen loese . unde als ahte tage vüre
 114rb,6 koment seit danne der weibel daz
 114rb,7 er ez in an geboten habe . ze loesenne
 114rb,8 als reht sî . sô sol ez im der burcgrâve
 114rb,9 erlouben ze verkouffenne .
 114rb,10 unde sol er ez danne verkouffen
 114rb,11 âne geværde . unde sol im ahte tage
 114rb,12 ûz dingen . wirdet im iht über daz .
 114rb,13 sol er im wider geben . zerrinnet
 114rb,14 im iht . sô sol im der burcgrâve volle
 114rb,15 rihten . ist ouch daz ieman kein
 114rb,16 reht dâr an hât . ze swelichem zile daz
 114rb,17 ist . daz sol man dem ûz dingen sô
 114rb,18 man ez verkoufet . oder sol in mit
 114rb,19 minnen dâ von scheiden . unde
 114rb,20 vürest jener daz guot verkoufet .
 114rb,21 daz im mit gerihte geantwürtet
 114rb,22 ist . wolte in jener dâr an danne
 114rb,23 irren . unde wolte es niht ûf geben
 114rb,24 sô mac der burcgrâve unde die
 114rb,25 burgær im ez wole stæten mit ire brieven
 114rb,26 wan ez mit rehtem gerihte

114va,1 dâr komen ist // klaget aber ein
 114va,2 man hin ze dem andern unde hât er
 114va,3 anders pfandes niht . wan dâ er
 114va,4 selbe inne ist daz sî eigen oder lîpgedinge .
 114va,5 dâ sol im der burcgrâve hin
 114va,6 rihten alsô daz er im gebiete daz
 114va,7 er ez inner ahte tagen rûme . tuot er
 114va,8 des niht . sô sol im der burcgrâve
 114va,9 dâr ûz trîben . unde sol ez im mit nutze
 114va,10 unde mit gewer antwûrten . unde
 114va,11 sol er dâ mit tuon als vore umbe
 114va,12 daz eigen ze verkouffenne geschriben
 114va,13 ist . hât aber ein
 114va,14 man beslozzenu pfant in sîner
 114va,15 gewalt sprichet diu ieman an
 114va,16 daz si sîn pfant sîn . sô sol der . der
 114va,17 diu pfant inne hât in sîner gewalt .
 114va,18 diu pfant behaben mit
 114va,19 sînen zwein vingern unde sol des
 114va,20 geniezen . besliuzet aber diu
 114va,21 pfant ein ander man unde sint .
 114va,22 niht in sîner gewalt . sô muoz er

- 114va,23 si behaben selbe dritte daz ist
 114va,24 reht . wirdet ouch iemanne ein
 114va,25 pfant gesetzt mit gerihte oder
 114va,26 âne gerihte wirdet daz geboesert
- 114vb,1 in des gewalt dem ez dâ gesetzt ist
 114vb,2 sô sol er ez jeneme gelten dâr nâch
 114vb,3 als er bereit . des ez wert wære
 114vb,4 des tages dô er ez im sazte . ez
 114vb,5 müge danne jener bereden ze den
 114vb,6 heiligen . daz er ez behalten habe
 114vb,7 mit anderm sîneme guote . sô er
 114vb,8 iemer bezziste konde unde mohte
 114vb,9 âne alle geværde . unde als er daz
 114vb,10 getuot . sô ist er im entbrosten .
 114vb,11 ist daz ein man dem andern
 114vb,12 ein pfant lîhet oder setzet . gât
 114vb,13 der zuo . unde versetzt daz pfant
 114vb,14 anderswâ hoehere danne man in
 114vb,15 heize . oder danne ez im stande
 114vb,16 ist der selbe ime gewis . sô sol er
 114vb,17 hin ze im klagen umbe sîn pfant .
 114vb,18 ist aber er im niht gewis . in swes
 114vb,19 gewalt er danne sîn pfant vindet
 114vb,20 dâ sol er hine klagen . unde
 114vb,21 ûf swiu er bereit daz ez ime
 114vb,22 stüente . oder dâr umbe er ez in hieze
 114vb,23 setzen dâr umbe sol ez im jener
 114vb,24 wider geben daz ist reht .
- 115ra,1 swaz umbe zins ze klage
 115ra,2 kumet daz sol ein burcgrâve
 115ra,3 rihten . ez mac ouch ein
 115ra,4 man in sînen hiusern . in sînen
 115ra,5 gedemern . oder ûf anderm sîneme
 115ra,6 guote wole pfenden die wîle
 115ra,7 jener bî im ist . âne des burcgrâven
 115ra,8 boten umbe sînen zins .
 115ra,9 kumet aber jener von im . sô
 115ra,10 sol er dem burcgrâven klagen .
 115ra,11 unde sol im der rihten . lougenet
 115ra,12 aber er im des zinses . sô sol er
 115ra,13 sîne beredunge dâr umbe nemen
 115ra,14 er ne beziuge in danne selbe
 115ra,15 dritte waz er im schüle . // sprichet
 115ra,16 aber jener “ich en lougenen
 115ra,17 niht ich en solte im zins des hân

115ra,18 ich in gewert .” dâ sol er des hoveherren
 115ra,19 beredunge umbe nemen
 115ra,20 er ne beziuge in danne selbe dritte .
 115ra,21 daz er in gewert habe // man
 115ra,22 sol ouch wizzen swaz ein man
 115ra,23 dem andern umbe zins lât . ze
 115ra,24 swelichen zilen daz ist daz sol er
 115ra,25 im stæte hân . unde mac sîn vore

115rb,1 dem selben zile niht vertriben . unde
 115rb,2 mac ouch er vore den selben zilen
 115rb,3 niht von im komen . wan mit
 115rb,4 sînen minnen . ez en sî danne
 115rb,5 mit gedingede unterscheiden .

115va,1 daz sol ein burcgrâve rihten .
 115va,2 swer einen êhalten dinget .
 115va,3 der mac des niht vertriben .
 115va,4 êr ze sînem jâre . unde mac ouch
 115va,5 er von im niht komen âne sîner
 115va,6 hêrschefte willen . ez en mûge
 115va,7 danne eintwederz vûre geziehen
 115va,8 sô getânen gebrest dâ mit ez von
 115va,9 dem andern ledic mûge werden .
 115va,10 dinget ein man den andern
 115va,11 an sîn werc . gât er dâ von unde
 115va,12 lât im sîn werc ligen von sîn
 115va,13 selbes muotwillen . geschihet im
 115va,14 kein schade dâ von . den sol er im
 115va,15 abe tuon / nâch sîneme eide . ez en
 115va,16 mûge danne der wercman bringen
 115va,17 êhafte nôt . oder sust eteswaz
 115va,18 vûre geziehen daz ir beider gedingede
 115va,19 geirren mûge oder gebrechen /
 115va,20 klaget ieman hin ze dem andern
 115va,21 umbe sîn lôn . sprichet danne jener
 115va,22 er ne habe sîn dannoch niht verdienet .
 115va,23 sô sol dirre bereden mit
 115va,24 sînen zwein vingern daz er daz
 115va,25 lôn verdient habe . in beziuge
 115va,26 danne jener selbe dritte daz er ez
 115va,27 niht verdient habe .

115vb,1 swer sîniu kint ze antwerken
 115vb,2 lât durh lernunge . ez
 115vb,3 sî sun oder tochter swaz lônnes man
 115vb,4 dâ von geheizet . kumet daz ze

- 115vb,5 klage . daz sol ein burcgrâve rihten
 115vb,6 dâr nâch als diu schulde geschaffen
 115vb,7 ist .
 115vb,8 swelich êhalte verspilet sîner
 115vb,9 hêrscheftre ire guot . swâ si daz
 115vb,10 vindent unde bereden mûgent .
 115vb,11 daz ez ire guot sî sô sol man ez in wider
 115vb,12 geben . verspilet aber ein êhalte sîn
 115vb,13 gewant des er umbe sîn hêrschaft
 115vb,14 niht verdient hât . swâ er daz
 115vb,15erspilet oder versetzt . daz sol
 115vb,16 man dem hêrren wider geben ob er
 115vb,17 bereit . daz er ez umbe in niht verdient
- 116ra,1 habe . wæret aber ieman anders
 116ra,2 dâr ûf danne der wirt . in sweliche
 116ra,3 hant ez danne kumet . ez sî von
 116ra,4 lêhene oder von pfantrechte . dâ sol
 116ra,5 man ez dem hêrren wider geben .
 116ra,6 man sol ouch wîzen swâ
 116ra,7 bûrgen gesetzt werdent
 116ra,8 mit dem selpscholn unverscheidenlîchen .
 116ra,9 dâ hât jener wole gewalt
 116ra,10 des diu gûlte ist . daz er beklaget
 116ra,11 under den bûrgen swelichen er wile .
 116ra,12 âne geværde umbe sîn gûlte . unde
- 116rb,1 in swelichen schaden der kumet des
 116rb,2 sint im die schuldic abe ze tuonne
 116rb,3 die mit im bûrgen sint . wan si unverscheidenlîchen
 116rb,4 mit einander bûrgen
 116rb,5 wâren . // beklaget ouch ein
 116rb,6 man sîne bûrgen ir sî einer oder mêr .
 116rb,7 unde mac der selpschol niht vergelten
 116rb,8 mit varntem guote . sô sulen im die
 116rb,9 bûrgen gelten mit varntem guote
 116rb,10 ob si ez hânt . beredent aber si daz si
 116rb,11 niht varntes guotes haben . hât
 116rb,12 danne der selpschol eigen dâ sol man
 116rb,13 den geltær hine wîsen . daz man im
 116rb,14 dâ von gelte nâch rehte als dâ vore
 116rb,15 geschriben ist . unde gebristet im iht
 116rb,16 dâ ze dem selpscholn des sint im die
 116rb,17 bûrgen aber schuldic . // hât aber
 116rb,18 der selpschol niht eigenes dâ mit er
 116rb,19 vergelten müge . sô sol im der burcgrâve
 116rb,20 rihten hin ze der bûrgen eigene .

116rb,21 unde hin ze ire guote . unze daz im vergolten
 116rb,22 wirdet mit schaden unde mit houbetguote .
 116rb,23 unde swâ des der burcgrâve niht
 116rb,24 tuot . dâ sol ez ein voget tuon . // wirdet
 116rb,25 ouch ieman bürge hin ze dem andern
 116rb,26 er süle sich antwürten . oder süle

116va,1 im pfant antwürten . brichet er
 116va,2 im diu gelübede . sô ist er im sînes
 116va,3 guotes schuldic . unde sol im der
 116va,4 burcgrâve rihten umbe sîne gülte .
 116va,5 tæte er des niht sô sol er ez dem bischove
 116va,6 klagen . wolte der niht rihten .
 116va,7 sô sol ez der voget rihten . swâ
 116va,8 ouch des goteshûses dienstmanne einer
 116va,9 bürge wirdet gein einem burgær . oder
 116va,10 im selbe gelthafft wirdet . der sol dem
 116va,11 bischove des êrsten klagen . rihtet
 116va,12 im der niht sô sol im ein voget rihten .
 116va,13 ob er bereit vore dem vogete als
 116va,14 recht ist daz er gerihte vore dem bischove
 116va,15 gevordert habe . unde daz er
 116va,16 im niht rihten wolte // klaget
 116va,17 ein burgær ze des küniges dienstmanne
 116va,18 eineme . ez sî umbe bürgerchaft
 116va,19 ez sî umbe gülte . oder umbe swelicher
 116va,20 hande sache daz ist . die ein
 116va,21 burgær hât ze klagenne hin ze
 116va,22 des rîches dienstmanne . daz sol im
 116va,23 eines küniges voget rihten . // wirdet
 116va,24 ouch ein gast bürge hin ze einem
 116va,25 burgær . oder sol im selbe gelten .
 116va,26 wolte er im des lougenen dâ sol er

116vb,1 sîn recht umbe nemen . er ne beziuge
 116vb,2 in danne selbe dritte . daz er
 116vb,3 sîn bürge sî . oder selpschol sî als
 116vb,4 dâ vore geschriben stât . wirdet
 116vb,5 ouch ein burgær gein eineme gaste .
 116vb,6 bürge . lougenet der burgær dem
 116vb,7 gaste der bürgerchefte . sô sol in
 116vb,8 der gast beziugen selbe dritte
 116vb,9 ob er sîne beredunge niht nemen
 116vb,10 wile . unde als ez an den geziuc
 116vb,11 gât sô sol der geziuge einer
 116vb,12 ein burgær sîn ze dem minnesten .
 116vb,13 wirdet ouch ein man des andern bürge

116vb,14 umbe gewant . umbe korn .
 116vb,15 umbe wîn . oder swâr umbe ein
 116vb,16 man des andern bürge wirdet daz
 116vb,17 er im ûz genomen hât . swâ daz
 116vb,18 der tuot des bürge er dâ worden ist .
 116vb,19 er versetze ez . er verkoufe ez .
 116vb,20 oder swar er ez tuot . dâ mac der . der ez
 116vb,21 dâ ûz nam mit keineme rehte hin
 116vb,22 gesprechen . wande jener des bürge
 116vb,23 er dâ wart nutz unde gewer
 116vb,24 dâr an hête . unde dâr mit tet swaz
 116vb,25 er wolte .

117ra,1 der burcgrâve sol rihten
 117ra,2 umbe alle vürevenge unz
 117ra,3 an den diep . dâ sol danne der voget
 117ra,4 rihten . unde swaz der burcgrâve
 117ra,5 unde die weibel rehtes habent
 117ra,6 von vürevengen unde wie man ez
 117ra,7 ouch rihten sol daz vindet man
 117ra,8 geschriben in des vogetes gerihte
 117ra,9 in dem kapitel von diubigem unde
 117ra,10 von räubigem vihe .
 117ra,11 verkoufet ein gewanter
 117ra,12 gewant . unde entvilhet
 117ra,13 daz eineme snîdær . daz er ez von im
 117ra,14 iht lâze . ê daz er gewert werde
 117ra,15 der pfenninge die umbe daz gewant
 117ra,16 hoerent . gît er daz dâr über
 117ra,17 jeneme der ez dâ gekoufet hât âne des
 117ra,18 gewanters wort . sô ist er dem gewanter
 117ra,19 sîner pfenninge schuldic .
 117ra,20 ob er si hât . // ist aber er
 117ra,21 im niht gewis genuoc . sô sol er
 117ra,22 ûfe si beide warten nâch rehte .

117rb,1 man sol ouch wizen swer eineme
 117rb,2 snîdær gewant entvilhet ze snîdenne .
 117rb,3 swelicher hande gewant daz
 117rb,4 ist . daz sol er ime wider antwürten
 117rb,5 unde sol sîn lôn nemen . verkumberte
 117rb,6 oder versatzte er ez dâr über
 117rb,7 iender mehte er des ime niht erloesen .
 117rb,8 swâ ez danne jener vindet
 117rb,9 dâ sol man ez im wider geben âne
 117rb,10 schaden . âne umbe daz lôn ob er
 117rb,11 des dannoch iht inne hât // wirdet

- 117rb,12 aber eineme snîdær gewant entvolhen
 117rb,13 unde wirdet im daz verstolen mit
 117rb,14 anderm sîneme guote . mac er daz bereden
 117rb,15 des sol er geniezen .
- 117va,1 swaz man denne
 117va,2 entvilhet daz sulen si wider
 117va,3 geben . oder sulen ez mit triuwen verkoufen .
 117va,4 unde anders dâ mit niht
 117va,5 tuon . wan als man si heizet . tuont
 117va,6 si dâr über ihtesiht dâ mit des man
 117va,7 si bewærn mac . daz sol man hin ze ir
 117va,8 rihten als hin ze einer diubinne .
 117va,9 ist ouch daz si iemanne iht entreit daz
 117va,10 man ir entvilhet . wirdet si dâr an begriffen
 117va,11 daz sol man hin ze ir rihten
 117va,12 als hin ze einer diubinne . // swem
 117va,13 ouch ein verkoufærinne iht gît ze
 117va,14 verkoufenne daz ir entvolhen
 117va,15 wirdet . ez sî ze gelte . oder umbe pfenninge .
 117va,16 ob diu verkoufærinne jenen
 117va,17 niht wert . hât si jener gewert sô
 117va,18 ist ez sîn . unde muoz sich jener haben
 117va,19 an den köufel oder an die verkoufærinne .
 117va,20 der er sîn guot entvalch .
 117va,21 ist aber daz jener dâr ûf kumet ê daz ez
 117va,22 der verkoufærinne vergolten werde
 117va,23 sô sol man dem selpscholn die pfenninge
- 117vb,1 antwürten oder sîn guot . wider .
 117vb,2 swederz er wile . // swaz ein köufel
 117vb,3 oder ein verkoufærinne verliuset ûf
 117vb,4 dem markete daz sol si gelten wande
 117vb,5 si ez bewarn solte .
- 118ra,1 hât ein
 118ra,2 jude hin ze eineme kristene iht ze
 118ra,3 klagenne umbe gülte daz sol der
 118ra,4 burcgrâve rihten . dâr nâch als
 118ra,5 diu klage geschaffen ist . wirdet ouch
 118ra,6 eineme juden ein geziuc erteilt gein
 118ra,7 eineme kristene . der sol daz bereden mit
 118ra,8 sîner hant unde mit kristenen dâr zuo .
 118ra,9 ist daz ein jude wîn schenket . der
 118ra,10 ist dem burcgrâven schuldic sînes
 118ra,11 rehtes . daz ist einen schillinc

- 118ra,12 pfenninge von dem vuoder unde
 118ra,13 ein trinken wînes .
 118ra,14 swenne daz ze klage kumet
 118ra,15 sô sol ez der burcgrâve rihten .
 118ra,16 unde swar ez gevellet dâ ez
 118ra,17 mit rehte hine brâht wirdet . dâ sol
 118ra,18 der burcgrâve sîn reht nemen
 118ra,19 unde jeneme rihten .
- 118rb,1 swâ ein man kumet ûf daz
 118rb,2 guot daz sîn kint verspilet hât .
 118rb,3 ez sî vater . oder muoter . oder pflegær
 118rb,4 daz sol man in wider geben âne schaden
 118rb,5 in swes gewalt si ez vindent
 118rb,6 ez sî vile oder lützel .
 118rb,7 swaz ein êhalte versetzt sîner
 118rb,8 hêrschefte ires guotes oder sust ûz
 118rb,9 treit swâ si daz vindent . daz sol man in
 118rb,10 wider geben âne schaden . in sweliche hant
 118rb,11 daz kumet . wær man im des wider daz
 118rb,12 sol der burcgrâve rihten an als verre .
 118rb,13 ob der hêrre dem êhalten sînes lônnes iht
 118rb,14 schuldic ist . daz sol er jeneme geben . in
 118rb,15 des gewalt er daz guot vunden hât .
- 118va,1 swelich man dem andern wîn ûz
 118va,2 treit . der ein gewis man ist
 118va,3 der mac daz wole tuon unz an den andern
 118va,4 tac ze prîmezît . unde sol in
 118va,5 des der wirt niht irren . gæbe aber er
 118va,6 im der pfenninge hin in niht ze der
 118va,7 zît als dâ vore geschriben ist . kumet
 118va,8 daz ze klage sô ist er dem burcgrâven
 118va,9 schuldic vûnf schillinge . unde
 118va,10 sol der voget jeneme rihten umbe die
 118va,11 pfenninge unde im selben umbe
 118va,12 die vrevel .
- 118vb,1 treit ein man wîn ûz der
 118vb,2 niht gewis ist . den heizet
 118vb,3 ein wirt wole stille stân unze daz
 118vb,4 er im verpfende . er habe ez an
 118vb,5 oder er heize ez im dâr tragen .
 118vb,6 wolte aber er sich des wern . unde
 118vb,7 wolte im sîne pfenninge mit
 118vb,8 gewelte ûz tragen . mac er daz
 118vb,9 bringen als reht ist . swaz er im

118vb,10 danne tuot des sol er keine galtnusse
 118vb,11 haben weder gein dem
 118vb,12 rihtær noch gein nieman .
 118vb,13 swâ daz ze klage kumet daz
 118vb,14 sol der burcgrâve rihten
 118vb,15 als diu klage danne geschaffen ist .

119ra,1 man sol ouch wizzen swâ eines
 119ra,2 mannes kint spilet daz ze sînen
 119ra,3 tagen niht komen ist . swer dem
 119ra,4 iht an gewinnet oder ez wært . die wîle
 119ra,5 ez niht eigenguotes hât oder
 119ra,6 sunder gesezet ist . daz en hât keine
 119ra,7 kraft . // swenne ouch er gesunder
 119ra,8 gesezet wirdet . hât im vore ieman
 119ra,9 iht ane gewonnen oder gewert
 119ra,10 oder mit swelicher unvuore er
 119ra,11 guot ane ist worden daz sol keine
 119ra,12 kraft haben . sint ouch kint diu
 119ra,13 weder vater noch muoter hânt . diu habent
 119ra,14 daz selbe reht als diu kint
 119ra,15 diu vater unde muoter hânt .

119rb,1 wirdet guot verboten
 119rb,2 in eines mannes gewalt . swer
 119rb,3 der wirt ist . der ist niht schuldic sînen
 119rb,4 gast ze vâhenne . aber swaz er guotes
 119rb,5 dâ ze im hât . ez sî in sîneme hûse oder
 119rb,6 vore der türe . oder swâ er ez in sîner gewalt
 119rb,7 hât . des sol er von im niht lâzen .
 119rb,8 êr . jener gewert werde der ez
 119rb,9 dâ verboten hât mit minnen oder
 119rb,10 mit rehte . tuot er des niht unde læt
 119rb,11 daz guot von im sô ist er jeneme sînes
 119rb,12 guotes schuldic als er den wirt bewîsen
 119rb,13 mac mit sînem eide . der ez
 119rb,14 dâ verboten hête . ez en wære danne
 119rb,15 als verre . ob der wirt spræche . “ich wile
 119rb,16 iuwer goumel noch iuwer behaltær
 119rb,17 niht sîn . underwintet iuch des guotes
 119rb,18 unde behaltet ez selbe” daz sol er tuon
 119rb,19 ez sîn ros oder ander guot . nimet aber
 119rb,20 er ez dâr über niht . mac daz der wirt
 119rb,21 bringen mit dem weibel . unde mit
 119rb,22 eineme dâr zuo des sol er geniezen .
 119rb,23 unde hât jener nihtesniht mêr mit

119va,1 im ze schaffenne . // ist ouch daz ein
 119va,2 gast niht guotes in eines wirtes gewalt
 119va,3 hât . daz der wirt daz gesprechen
 119va,4 mac . der ist niht schuldic sînen
 119va,5 gast ze vâhenne . ez hât aber der burcgrâve
 119va,6 wole den gewalt daz er in geheltet
 119va,7 unze daz er jenem bûrgen
 119va,8 gesetzt . oder im ander gewisheit
 119va,9 tuot . der in genûeget . // swer verbiutet
 119va,10 guot in eines wirtes gewalt
 119va,11 ist der wirt dâr inne niht oder ist niht
 119va,12 anheimisch . verbiutet danne der
 119va,13 weibell des gastes guot in der vrouwen
 119va,14 munt . oder hât er einen gewissen
 119va,15 êhalten der sînes guotes pfliget . unde
 119va,16 ûz gît unde în nimet . daz hât als guote
 119va,17 kraft als ob ez dem wirte geseit
 119va,18 würde oder der vrouwen . kumet ez ze
 119va,19 gerihte unde seit der weibell ûf
 119va,20 sînen eit . daz er ez getân habe als
 119va,21 dâ vore geschriben stât sô sol der wirt
 119va,22 dâ von antwûrten als ob er dâ heime
 119va,23 gewesen wære . ist aber daz
 119va,24 ein man guot verbiutet in eines
 119va,25 mannes gewalt . gât der vûre unde
 119va,26 spricht “ich en lougenen des niht .

119vb,1 ich en habe sînes guotes eteswie
 119vb,2 vile inne . daz hât aber er mir gesetzt .
 119vb,3 êrmâls . êr . vrônebote
 119vb,4 hin ze mir koeme .” dâr umbe ist
 119vb,5 reht daz der selbe berede waz ez im
 119vb,6 stande unde dâr umbe sol ez danne
 119vb,7 jener loesen ob er wile . wile er
 119vb,8 des niht sô sol man ez verkoufen
 119vb,9 âne geværde . unde swaz danne
 119vb,10 überiges dâ gevellet . daz sol man
 119vb,11 disem klagær antwûrten daz ist
 119vb,12 reht .
 119vb,13 wile ein burgær wîn schenken
 119vb,14 der des ambahtes niht en hât
 119vb,15 daz sol er tuon mit des burcgrâven urloube .
 119vb,16 unde sol er im geben von
 119vb,17 iegelîchem vuoder einen schillinc
 119vb,18 pfenninge . unde ein trinken
 119vb,19 wînes in der bescheidenheit als
 119vb,20 dâ vore geschriben stât in dem

- 119vb,21 kapitel von den lîtgeben .
- 120ra,1 swelich becke in müle dinget
 120ra,2 oder in bachhiuser kumet
 120ra,3 daz ze klage umbe den zins daz
 120ra,4 rihtet ein burcgrâve als ie diu klage
 120ra,5 danne geschaffen ist . // ein
 120ra,6 iegelich burgær der in ein hûs dinget
 120ra,7 oder in gedemer . oder in anderiu
 120ra,8 dinc dâ man zins von gât
 120ra,9 kumet daz ze kriege daz rihtet der
 120ra,10 burcgrâve ie dâr nâch als diu sache
 120ra,11 danne geschaffen ist .
- 120rb,1 werdent gesellen ze kriege under
 120rb,2 einander daz rihtet ein burcgrâve .
 120rb,3 man sol ouch wîzen swes
 120rb,4 ein geselle dem andern lougenet die wîle
 120rb,5 diu geselleschaft ungescheiden
 120rb,6 ist . dâ gehoeret kein geziuc über
 120rb,7 wan daz ez an ieweders eide stât .
 120rb,8 swederer dem andern lougene wan
 120rb,9 ez rehtiu geselleschaft ist . unde
 120rb,10 ze ir beider triuwen stât . // scheident
 120rb,11 aber si sich von einander unde geredent
 120rb,12 mit einander . swes dâr nâch einer
 120rb,13 dem andern lougenet . daz beziuget
 120rb,14 einer hin ze dem andern wole selbe
 120rb,15 dritte . mit den die ez gehoert hânt
 120rb,16 unde gesehen . stürbe aber ir einer . êr .
 120rb,17 si sich geschieden von einander . swer
 120rb,18 danne hin ze im klaget . ez sî hûsvrouwe
 120rb,19 oder kint . oder swer ez wære von sînen
 120rb,20 wegen . sô en mac in nieman beziugen
 120rb,21 unde stât hin ze sînem eide
 120rb,22 rehte als ob sîn geselle dâ zegagen
 120rb,23 stüente .
- 120va,1 ein burcgrâve sol
 120va,2 rihten umbe alle hîstiure diu
 120va,3 verbürget ist . swenne ez ze klage
 120va,4 kumet . wær aber daz ieman dem
 120va,5 andern lougente dâ solte er sîn reht
 120va,6 umbe nemen . er ne beziuge in
 120va,7 danne selbe dritte mit biderben
 120va,8 liuten die ez gesehen unde gehoert

120va,9 habent . oder mit hantvesten . unde als
 120va,10 daz geschihet sô sol der burcgrâve
 120va,11 rihten .
 120va,12 hânt die under einander iht ze
 120va,13 klagenne . oder hât ieman hin ze
 120va,14 in iht ze klagenne . als daz ze klage
 120va,15 kumet daz sol ein burcgrâve rihten .
 120va,16 swenne man hin ze den klaget
 120va,17 daz sol ein burcgrâve rihten
 120va,18 dâr nâch als ie diu schulde geschaffen
 120va,19 ist . unde als in dem kapitel von
 120va,20 der gûlte geschriben stât .

120vb,1 wirdet ein man beklaget umbe
 120vb,2 gûlte unde hât niht ze vergeltenne .
 120vb,3 unde kumet vûre gerihte . sô
 120vb,4 sol man dem klagær alsô rihten .
 120vb,5 daz man jenen in ein îsen ahte tage
 120vb,6 legen sol . unde swenne er ahte tage
 120vb,7 dâr inne gelegen ist . sô sol
 120vb,8 man in wider vûre gerihte vûeren .
 120vb,9 unde sol jener bereden dem dem er dâ
 120vb,10 gelten sol daz er ze den zîten keiner
 120vb,11 slahte guot habe dâ mit er im vergelten
 120vb,12 müge . unde sol man im in den eit
 120vb,13 geben swaz er hinnen vûre gewinne
 120vb,14 über drîzic pfenninge âne
 120vb,15 daz er under den gûrteln habe . daz er
 120vb,16 ime dâ von gelte unz im vergolten
 120vb,17 werde . wile aber der . den man
 120vb,18 dâ gelten sol jenen behalten . unde
 120vb,19 wile im sîne nôtdurft bûezen sô
 120vb,20 sol man jenen antwürten . unde sol er
 120vb,21 im dienen unz er im vergolten
 120vb,22 hât âne schantlîche dieneste . unde
 120vb,23 sol er swern daz er von dem dieneste
 120vb,24 iht entwîche . wile aber er im niht

121ra,1 dienen . unde hât im niht ze vergeltenne
 121ra,2 unde swert den eit . wirdet er
 121ra,3 dâr nâch sînes guotes iendert iht
 121ra,4 innen . dâ sol im der burcgrâve
 121ra,5 hine rihten unde ist dâr zuo meineide .
 121ra,6 lîhet ein man sîn vihe umbe
 121ra,7 zins hin daz sî winter oder
 121ra,8 sumer . oder lîhte ze jener verte in
 121ra,9 daz lant . oder in der gegene swelichen

- 121ra,10 enden daz ist . kumet daz ze klage
 121ra,11 umbe den zins daz sol der burcgrâve
- 121rb,1 rihten . ie dâr nâch als diu schulde
 121rb,2 geschaffen ist .
 121rb,3 wirdet ein man dincvlühtic . hât
 121rb,4 dem ieman vüre geboten von
 121rb,5 des klage er dincvlühtic wirdet . seit
 121rb,6 daz der weibel sô ist er der êrste klagær
 121rb,7 hin ze sîneme lîbe unde hin ze sîneme guote
 121rb,8 vore andern liuten unz im vergolten
 121rb,9 wirdet . unde swer ie dâr nâch der
 121rb,10 êrste ist . der daz bringen mac mit
 121rb,11 dem rihtær oder mit dem weibel . der hât
 121rb,12 dâr nâch reht . unde ist der næheste nâch
 121rb,13 ime . // man sol ouch wizzen .
 121rb,14 swaz ein iegelich man sînes guotes
 121rb,15 vindet in sîner gewalt . der dâ entwichen
 121rb,16 ist . oder in iemannes gewalt .
 121rb,17 der sich des mit gerihte underwunten
 121rb,18 hât . oder ob er ez sust iendert entvolhen
 121rb,19 hât . ist ez dannoch unverwandelt .
 121rb,20 mac danne jener bereden ûf
 121rb,21 dem guote daz er im daz guot gebe
 121rb,22 unde im dannoch unvergolten sî . sô sol
 121rb,23 man ez im wider geben unde hât kein
 121rb,24 ander geltær dâr an niht . // man
 121rb,25 sol ouch wizzen hât der . der dâ dincvlühtic
- 121va,1 ist worden sîn guot iemanne
 121va,2 gesetzet mit des burcgrâven hant
 121va,3 seit daz der burcgrâve . dem sol daz
 121va,4 stæte belîben . hât aber er ez sust
 121va,5 iemanne gesetzet âne den burcgrâven .
 121va,6 mac der bringen selbe dritte
 121va,7 daz er ez im gesetzet habe mit nutze
 121va,8 unde mit gewer . unde mit zinses gewer .
 121va,9 sô sol ez im ouch stæte belîben .
 121va,10 klaget ein man hin ze dem
 121va,11 andern daz er dincvlühtic sî . lougenet
 121va,12 er des dâ sol dirre sînen
 121va,13 eit umbe nemen . er ne beziuge
 121va,14 in danne selbe dritte daz er dincvlühtic
 121va,15 sî . ane als verre ob er der
 121va,16 sache eine hin ze im bringen mac
 121va,17 als her nâch geschriben stât . sô bedarf
 121va,18 er keines geziuges über in .

121va,19 daz ist ob er sîn guot dem gerihte
 121va,20 vore verborgen hât unde als er hin ze
 121va,21 im kumet daz er unde der weibel
 121va,22 sînes guotes niht vindent sô heizet
 121va,23 er wole dincvlühtic . unde als er daz
 121va,24 hin ze im bringet mit dem weibel
 121va,25 oder sust selbe dritte . sô sol man im
 121va,26 hin ze im rihten als hin ze eineme dincvlühtigen

121vb,1 manne . unde swâ er in an
 121vb,2 kumet . dâ mac er in wole noeten
 121vb,3 als einen dincvlühtigen man .
 121vb,4 âne alle galtnusse . nimet
 121vb,5 ouch ein man guot dingēs ûz . unde
 121vb,6 vert dâ mit ûf daz lant . ist der
 121vb,7 ûze jâr unde tac . unde in weder
 121vb,8 êhaftiu nôt irret . noch ouch in den
 121vb,9 landen niht ist . er ne mohte wole
 121vb,10 komen inner jâre unde inner tage .
 121vb,11 sol der iemanne gelten . underwintet
 121vb,12 sich der hier heime sînes
 121vb,13 guotes . oder ob er im nâch vert
 121vb,14 unde in benoetet in eineme andern
 121vb,15 gerihte . daz mac er wole tuon . unde
 121vb,16 sol des keine galtnusse haben
 121vb,17 gein nieman . wirdet ouch ein
 121vb,18 man dincvlühtic vert dem ieman
 121vb,19 nâch unde erwischet in . swaz er
 121vb,20 dem gît ze gelte . oder ob er im
 121vb,21 pfant setzet . dâ hât dechein ander
 121vb,22 geltær kein reht an . wan ob ez
 121vb,23 iht tiurer ist . dâ sol sich der næheste
 121vb,24 klagær zuo gehalten daz ist reht .

122ra,1 machet ein man den andern
 122ra,2 ungewis der niht dincvlühtic
 122ra,3 ist . swelichen schaden der
 122ra,4 des nimet . den sol er im abe tuon .
 122ra,5 nâch des rihtærs râte . unde nâch
 122ra,6 vier manne râte die die burgær
 122ra,7 danne von dem râte dâr zuo gebent .
 122ra,8 umbe sînen schaden unde
 122ra,9 umbe sîn laster . unde dâr zuo ist
 122ra,10 er dem vogete schuldic . eines pfundes
 122ra,11 pfenniges nâch genâden . unde
 122ra,12 dem burcgrâven vünf schillinge .